



姓韻卷八十三

成威張



屋下

禿 見國語

唐書義成節度使王都反以王晏球為招討使討之都以重
賂求救于奚酋禿餒五月禿餒以萬騎入定州後被禽送大
梁斬之

唐書大教弄私署將帥高宗以左領軍將軍趙孝祖討之大
破其酋禿磨蒲

禿髮氏見西秦錄

北魏書壽闐子孫樹機能始據涼州為晉將馬隆所殺從弟
務丸統其部眾務丸孫推斤年一百一十歲生思復韃素渥
若雷思復韃三子烏孤利鹿孤偃檀烏孤為呂光征南大將
軍益州牧左賢王後稱西平王改元

西秦錄禿髮如枸率戶三萬降于乾歸妻以宗女熾盤以禿
髮赴單為西平太守鎮西平赴單烏孤之子也晉隆安元年
後魏之元興元年稱王遷于樂都號涼及偃檀為乞伏乾歸
所滅入魏賜姓源氏

南涼錄禿髮承鉢烏孤孫也降魏封昌松公禿髮俱延利鹿
孤弟封昌松侯為鎮北將軍大尉又偃檀敗降魏魏封禿髮
覆龍為酒泉公俱延子也封禿髮副周為永固公又安西將
軍樊尼偃檀長兄利鹿孤之子後歸于魏文支偃檀之族仕
至鎮南大將軍降蒙遜為廣成將軍

西秦錄烏孤徙治樂都遣西平公利鹿孤鎮安夸廣成公偃
檀鎮西平叔父素渥鎮湟河若留鎮澆河從弟替引鎮嶺南
洛回鎮廉川從叔吐若流鎮浩疊又偃檀弟文真偃檀世子
虎臺次子明德歸年十三為高昌賊援筆立成又子安周一
作保周子染干臘子破羌

幅 姓苑幅人姓

錡 玉篇錡音族集韻作鈔姓解天口切急就篇錡氏出彭城氏

族畧子木切一作鋒

鈔 姓苑子木反彭城人亦作鏃

祝 見世本山陽太守祝睦碑唐世多素表姓纂路史

尚書中候祝庸為黃帝司徒

按左隱公九年傳祝聃衷戎師射王中肩昭二十五年傳齊

豹欲殺公子孟縶使祝鼂寘戈于車薪以當門又周有祝跪

王奪其田見莊十九年傳齊有祝佗父秦有祝權為商鞅殺

晉有祝簡

莊子周威公曰吾聞祝腎善學生吾子與祝腎游亦何聞焉

漢書九江祝生又齊王郎中令祝午王使午劫琅琊王至齊

因留之

漢書祝良字劭卿臨湘人為洛陽令祈雨即應順帝時為九

真太守招降蠻區憐等按良為涼州刺史初到州多所糾罰

太守令長賤黜將半又按長沙耆舊傳作邵卿水經注亦作

邵卿章懷注作邵平誤也

漢書祝恬字伯林中山盧奴人桓帝時由光祿大夫為司徒

按恬為司隸校尉常與特進胡廣太常羊溥大中大夫邊韶
稱梁冀勳德宜比周公錫之山川土田附庸

漢中士女志祝龜字元靈南鄭人劉焉為益州牧辟之後撰
漢中耆舊傳

按唐公房碑陰處士南鄭祝龜字元靈司徒掾祝楊字孔達
處士祝岱字子寧故益從事祝忱字子文處士祝恒字仲寧
處士祝朗字德靈祝崇字季寧太守史祝榮字文寧皆南鄭
人也

魏志隱強賊祝臂徐晃擊破之又郭逵囚賈逵于壺關土窖

中有祝公道者夜往導引出逵折械遣出去不語其姓名

祝其氏見潛夫論風俗通

風俗通漢有清河都尉祝其承先按廣韻亦引之

祝圍氏見風俗通

風俗通漢有侍御史祝圍遙

祝宗氏見路史

祝蘇氏見路史

祝史氏見姓諡姓纂

左傳公為支離之卒因祝史揮以侵衛衛人病之公文要知

之見公孫彌牟請逐揮彌牟曰無辜要曰彼好專利而妄

祝丘氏見姓誼

祝融氏見世本

按莊子云堪坏得之以處崑崙而集仙傳以堪坏為祝融氏
未知所據

耶 姓纂云於六反見姓苑

壘 見千姓編

氏姓謹壘常大足人宣德中任崇安縣丞

郁 見姓苑路史

姓苑漢有魯相郁貢氏族謹國語魯相郁貢子孫因居之今

吳中有此姓按國語無此文氏族謹誤引

集古印謹漢有郁傷禹

魏尚安公素傳休屠郁原等叛素討之斬渠帥

後趙錄索頭郁鞠率眾三萬降石虎虎署為親通趙王

南史陸驗少貧苦落魄無行邑人郁吉卿甚富驗傾身事吉

卿貸以錢米驗借以商販遂致千金因出都下散貨以事權

貴

按唐文郁者老太和中進士有常州興建寺碑銘

唐藝文志唐有郁渾百篇集一卷渾嘗應百篇舉壽州刺史
李紳命百題試之

廖瑜杭州碑目唐神仙觀碑郁文則行書太和九年建

氏族畧宋有郁藻郁澄郁中俱浙江人登第郁紹廷字仁卿
遂寧人咸淳間進士郁繼善深于醫術砭熅之術得之鳳楊

劉伯淵

氏姓謚郁新字敦本臨淮人洪武中以才能舉授戶部主事
長于訾算後尚書按明史夏原吉游太學選入禁擢戶部主
事曹務叢脞處之悉有條理尚書郁新甚重之

四川志松潘疊溪長官司郁氏永樂中令長官郁孟賢轄河
東熟番八寨皆大姓及馬路小關七族土舍郁從智轄河西
小姓六寨是夸族亦有郁氏也

魯文恪公集郁瑱字文佩號松坡上海人文體好為連珠書
如趙文敏而道勁有加

氏姓謚郁瑞卿吳縣人至正間為常熟戶曹不受富人徐忠
百金之餽年六十九洪武間卒郁士彥吳縣人萬厯中任泰
興訓導郁從儉由中書任海門縣知縣郁綸字理之德州人
景泰進士知崇德縣設方畧禽大盜章正郁侃字正希上海

人弘治進士任御史以事補外正德中知均州性急聽訟與民相辯或不及施刑輒自起拔民之髮旋即悔後官潮州知府郁浩湖廣永寧人進士正德末除知汾州政尚簡嚴力興學校郁震字鼎文為太醫院官三使西番有功郁采字亮之山陰人正德進士授刑部主事以剛直謫裕州同知劉六劉七之亂守城力戰而死

題名錄郁庠景州人成化己丑進士郁容常熟人成化甲辰進士郁山寧亭人正德辛巳進士郁言山陰人嘉靖己未進士郁文山陰人萬曆丁丑進士

曠園雜志嘉善諸生郁世綬己卯患歐血二月七日夜就寢忽有偉然丈夫錦衣象笏揖曰上帝命予司景靈宮事

題名錄郁之章嘉善人順治己丑進士郁世焜吳江縣人康熙己未進士郁裴長洲人康熙己未進士郁芬婁縣人康熙己丑進士

靈州志郁興周靈州人順治十二年任宣夏中營游擊
郁朱氏見官氏志

魏書源賀傳河西勅勒叛賀率眾討之追賊黨郁朱光干等至枹罕大破之

郁閻氏見路史

郁卿氏見路史

郁釐氏見路史

郁厥氏此姓諸書無今補

魏書費穆傳斬蠕蠕帥郁厥烏恭等

郁久閻氏見姓譜

姓譜郁久閻登為北齊朔州刺史

魏書苻堅扶風太守郁久閻亥英之祖父也追贈為鎮西將

軍遼西蘭公勃海太守郁久閻澄為侍中鎮東大將軍太宰

遼西獻王

北魏孝文帝此千墓文碑陰有給事中臣河南郁久閻麟散

騎侍郎臣河南郁久閻敏

魏書蠕蠕傳馮跋封郁久閻解律為上谷侯又郁久閻乞列

歸真君時封朔方王按乞世祖紀作及北史作乞歸

魏書郁久閻毗為河東王其妹為景穆恭皇后生文成皇帝

魏書阿那瓌遣郁久閻彌娥等朝貢

魏書神龜二年蠕蠕後主郁久閻侯匿伐來奔懷朔鎮

伽藍記正光年苜苜主郁久閻阿那肱來朝執事者莫知所

處中書舍人常景議云咸寧中單于來朝晉世處之王公特
進下可班那肱蕃正儀同之間朝廷從之按常景傳作阿那
瓌

周書竇熾與茹茹傳戰斬其酋師郁久閭是發

北齊書文宣紀帝追茹茹至沃野獲郁久閭狀延等

北齊書王峻傳茹茹主菴羅辰頓軍城西峻設奇伏大破之
獲其名王郁久閭豆拔提等數十人

金石聲郁久閭業碑天保七年五月建

郁原氏甄見官氏志

朴

五代史同光二年高麗王遣春部少卿朴嚴來貢方物授嚴
朝散郎試秘書郎

五代命要晉開運元年高麗遣廣評郎中朴元信來貢方物
以元信試太府少卿

宋史高麗遣副使朴寅亮朝貢

東國通鑑曰右僕射參知政事朴寅亮文詞雅麗遼嘗欲過
鴨綠江為界寅亮脩情表曰普天之下既莫非王土王臣尺
地之餘何必曰我疆我理又曰歸汶陽之舊田撫綏敝邑回

長之拙哀林舞昌辰遼帝覽之瘦其議

遼史高麗王治遣朴良柔奉表請罪詔取女直鴨綠江云東
數百里地賜之

按清異錄同九年高麗行人至副使者春部少卿朴巖字崑
叟文雅如中朝賢士既行吏掃除其館見燭挺其末紅印篆
文曰光濟叟蓋以命燭

元史高麗大將軍一琪礼部尚書一焦秘書監一恒諫議大
夫一綸

東國通鑑勃海檢校開國男朴漁奔高麗

或 按或通作郁

前燕錄慕容皝使臣劉翔說中常使或弘曰石虎苞八州之
地帶甲百萬志吞江漢自索頭宇文及諸小國無不臣服惟
慕容鎮軍翼戴天子精貫白日而更不獲殊禮之命竊恐天
下移心解體無復南向者矣弘入言之于帝帝許之封為燕

王

錄 集韻录人姓音錄

藪

劉向列仙傳藪成子不知何許人也

卜見風俗通路史氏族畧

風俗通春秋魯有大夫卜齋魯莊公車右卜國按左閔公二年傳初公傳奪卜齋田秋八月共使齋賊公于武闈卜國見檀弓

韓子魏惠王謂卜皮曰子聞寡人之聲聞何如對曰臣聞王之慈惠也功必至于亾又云卜皮為縣令其御史污穢而有愛妾卜皮乃使少庶子佯愛之以知御史陰情

韓子鄭縣人卜子毒妻之市買鼈以歸過潁水以為渴因縱而飲之遂失鼈

漢書卜式河南人以田畜為事官御史大夫又卜福大史令

卜已賊帥為傅燮所禽又桂陽所賊卜陽為度尚破平均見漢書

吳志卜靜字子風與陸遜齊名終刺令

晉書卜珣字子玉匈奴後部人郭璞以為弗如珣自知為卿將當受禍劉聰署為平北將軍卒先奔為元帥靳冲所殺

南燕錄征南司馬卜珍告左僕射封嵩數與慕容灋往來疑有姦

前趙錄劉淵大司農卜豫運米救襄國之饑劉聰冠威將軍

卜抽將兵監守東宮禁又不聽朝會左衛將軍卜崇為人清直素惡常侍王沈侍中卜幹嘗勸崇曰王沈等勢力回天地卿自料親賢孰與陳蕃竇武後聰欲殺崇等七人幹泣諫不從免為庶人左光祿卜泰侍中靳準使泰送乘輿服物請和于石勒勒囚泰送于劉曜曜使泰喻準準弟康殺準遣泰奉傳國六璽降劉曜後為大司空

宋書卜天與餘杭人善射弓力兼倍元嘉時為左細仗主廣威將軍元凶劭入弒天與射劭于東堂幾中為逆徒殺後贈益州刺史謚壯侯弟天生

齊書卜天生以苦竹刻其端布坑內跳之大明時為弋陽太守

氏族畧唐卜吉為上元令閉戶讀書公事亦辦

元史卜天璋字君章洛陽人知成敗大體官山南廉訪使嘗上中興濟治策

明史卜萬官大寧守將燕王行反間為都督劉真陳亨誣死明史卜謙頰上人永樂舉人授工科給事中從皇太孫監國忠于輔導

浙江志卜大同秀水人萬曆進士官副使

甘肅志下瑗山東東平州人雍正間由舉人任慶陽府

卜成氏

仲長統昌言昔密縣有卜成公者身游九山之下上放心不拘之鄉按抱朴子亦作卜成漢書作上成公是

卜梁氏見莊子疏

莊子女媯曰卜梁倚有聖人之才無聖人之道

沐

見沐氏狀

漢書洛陽令沐茂上書救李雲貶秩二等按洛陽令後漢書作市長

風俗通漢有東平太守沐寵

楊震碑陰有魏郡沐季興

魏畧沐並字德信河間人有志介黃初中為成皋令晚為濟陰太守召拜議郎並豫作終制戒其子雲儀等曰奚以棺槨為牢衣裳為縷屍繫地下長幽桎梏昔莊周闕達無所適莫又楊王孫裸體至末世緣生怨死之徒競于厚葬謂莊子為放蕩以王孫為戮屍豈復識古有衣薪之鬼而野有狐狸之啗哉吾苟獲沒即以吾身襲于王孫若將逐俗抑廢吾志為棄父之命死而有知吾將屍視

晉書劉裕使沐謙刺司馬楚之謙感其忠義以狀告遂委身
事之按亦見魏書司馬楚之傳

後趙錄沐堅字璧強河間人為石虎宣北將軍石氏之亂彭
城王遵殺石世自立沛王冲起兵于薊留沐堅戍幽州堅時
監作水田御下苛刻百姓怨毒乃為堅形以刃矛斫刺呪令
倒斃尋而得病若被捶割于是遂殞按異苑亦載之作水堅

訛

閩川名士傳貞元七年杜黃裳為主司訪士于尹極極言子
弟有崔元畧孤進有沐藻令孤楚數人試珠還合浦賤成假

寐夢人告曰何不敘珠來去之意既寤乃改數句黃裳謂藻
曰敘珠來去如有神助按困學紀聞作林藻

明史列傳沐英字文英鳳陽定遠人父母蚤亡明太祖收為
子初冒姓朱賜名文英年十八用為帳前都尉從守鎮江居
四載威惠大著擢廣武衛親軍指揮使加授昭勇大將軍以
所部從下福建禽平章陳友定洪武元年歸其姓沐名曰英
數遷進榮祿大夫同知大都督府事時都督不為階官而英
特授心膂之託九年命乘傳由陝西巡行諸路史事有不便
者輒更置後聞且使練諸部兵以待明年遂副宣河王征西

番耀兵至崑崙而寧河王道卒英代將其眾還封西平侯進
開國輔運推誠宣力武臣勲柱國食祿二千五百石賜鐵券
又明年拜征西將軍窮追西番率所部登賀蘭涉流沙分兵
四翼薄其營自率精騎衝中堅大破之覆其全部十五年以
征南右副將軍同傅友德藍玉下雲南至白石江英以奇兵
出賊後擊之直抵雲南不泐月雲南郡邑悉平是年諸將班
師詔英留鎮雲南年四十八薨追封黔寧王謚昭靖侑享太
平廟子春嗣壽春弟晟字景茂弟昂字景高平思任發之叛
子璘讀書工詩撫治有方按明史表西平侯沐英洪武十年

十月戊午封祿二千五百石世襲二十五年六月丁卯卒于

雲南十月己巳追封黔寧王謚昭靖春洪武二十五年十月

乙亥襲鎮雲南三十一年卒謚惠襄昂景泰中贈定邊伯

黔國公晟洪武三十一年襲侯永樂六年七月以征安南功
進封公祿三千石世襲世鎮雲南仁宗即位加太傅支二俸
正統四年三月丁卯卒追封定遠王謚忠敬斌正統五年襲
景泰元年十月卒謚榮康琮成化元年八月己亥襲十九年
加太子太傅弘治九年九月庚戌卒謚武僖無子誠崑誠子
弘治十年十月己卯襲正德七年加太子太傅十四年六月

卒追贈太師謚莊襄紹勛正德十六年二月甲午襲嘉靖七年加太子太傅十五年卒贈太師謚敏靖朝輔嘉靖十五年十二月乙亥襲加太子太保二十六年六月庚子卒謚恭僖朝弼嘉靖三十三年癸丑襲隆慶四年削爵論死融嘉靖二十六年閏九月甲辰襲二十八年卒鞏嘉靖二十八年十月庚辰襲太叔朝弼襲昌祚隆慶五年二月丁酉襲萬曆十二年九月戊寅加太子太保二十三年八月以病免子叡襲三十七年叡以罪廢復襲爵天啟五年卒叡萬曆二十三年襲三十七年九月丁酉死于獄啟元天啟五年三月丁卯襲崇

禎元年六月己亥卒天波崇禎元年十二月甲辰襲七年八月甲寅加太子太保明亡後從永明王入緬死于難

江南志沐嵐江寧人萬曆中滄州判官

沐簡氏見姓苑辯證按簡或作蘭蘭一作簡宜从草不宜从竹

鞠 見風俗通姓苑姓纂路史

晏子春秋景公上路寢聞哭聲曰吾若聞哭聲何為者也梁丘據對曰魯孔丘之徒鞠語者也明於礼樂審於服桑喪其母死埋甚厚服喪三年哭泣甚哀公曰豈不可哉而色悅之

按孔叢子詰墨篇亦載其事

國策燕太子丹太傅鞠成與之謀刺秦因得交于田光
風俗通漢有尚書令平原鞠譚或為麴氏音訛改轉按荀悅
紀初廷尉梁相疑東平王獄有誣詞奏請傳詣長安更下公
卿議尚書令鞠譚僕射宗伯鳳以為可許上怒三人皆免丞
相王嘉薦譚頗知文雅鳳經明行脩

西京雜記鞠道龍善為幻術按鞠一作鞠

繁陽令楊君碑陰有故吏鞠像伯巖

北海相景君銘碑陰有故書佐朱虛鞠欣君大

英雄記袁紹將鞠義破公孫瓚于界橋按一作麴

晉書太傅越以公車令東萊鞠羨為本朝郡太守以討王彌
彌殺之

前燕錄鞠殷樂浪太守彭之子彭初守樂浪趙石虎來伐境
內多叛應之彭選壯士數百固守棘城城得不沒趙兵既退
大加賞賜殷仕雋為尚書左丞太原王恪克廣固遷殷為東
萊太守彭時為大長秋以書戒殷曰王彌曹疑必有子孫汝
善招撫勿尋舊怨以長亂源

前燕錄慕容皝遣參軍鞠運獻捷京師兼言權假之意並請

出師之期

南燕錄青州刺史鞠仲來朝讌于延賢殿慕容朝超時為司空
北齊西門豹祠堂碑陰有戶曹掾鞠隆子缺一

金石錄唐中山法果寺碑坐拱二年姚瑋撰鞠處信正書

氏族畧鞠詠字詠之開封人天聖中為監察御史條上應變
五事除天章閣待制鞠常字可久高密人擢進士為著作郎
著礼經二十卷鞠真卿字顏叔熙宣中知蘇州無他設施人
自憚之鞠嗣復宣和初知休寧方臘黨破縣欲逼降之嗣復
不屈又有鞠先鞠整鞠杲皆登第鞠仲謀字有開雍熙進士

有才幹歷監察御史至兵部員外郎

氏姓註明鞠博字惟公以國子生丞峽江有吏幹聲三載罷
歸慕巖主和之風性本逸曠好讀書且好客僻居城西隅有

城市山林之致年踰八十燈下猶作蠅頭細字日與馬洛曹
塤石洵冒士振葦結社尋盟有約即雨不失期甫滿六十預
製棺壙作遺命人稱其達生鞠錫塾江人洪武舉人鞠祥和
州人永樂進士鞠鉞文登人庠生年十八聘于氏正德中流
賊破城鉞與于俱被虜至城南寺鉞被脅不屈見害于氏觸
石死副使馮世雍令有司祀祭表其墓曰雙節鞠躬楚雄舉

人嘉靖三十九年任歸德府推官性冲雅持法平恕鞠惠字
秀芝嘉靖己丑選貢授廣西平樂府撫治有功

鞠 見釋例

左傳晉有鞠居即續簡伯

西京雜記鞠道龍善幻術向余說古時事有東海人黃公能
乘龍御虎立興雲霧坐成山河按鞠一作鞠

氏姓謚宋鞠詠舉進士官監察御史鞠以正楚雄人嘉靖中
任邳州知州按鞠詠一作鞠詠以正一作以信

麴 見姓苑姓纂路史

方術傳麴聖卿河南人善為丹書符劾厭殺鬼神而使命之
按博物志聖卿為魏國軍吏

魏志金城麴勝襲殺祖厲長劉雋

魏志西平麴演叛稱護羌校尉張掖張達進酒泉黃華皆自
稱太守以應演蘇則勒兵討之演恐乞降按演曾誅韓遂

魏志西平麴光反殺郡守諸將欲擊之張既移檄能斬賊帥
者當加封賞于是光部黨斬送光首

魏志西平麴英反將軍赦昭鹿磐討斬之

魏志袁紹將麴義斬公孫瓚冀州刺史嚴綱義久在涼州曉

習羌鬥兵皆驍銳後恃功驕恣為紹所殺

晉書雍州刺史麴特不降劉聰聞賈疋起兵與扶風太守梁綜率眾十萬會之

晉書麴允金城豪族建興初拜左僕射後為大都督驃騎大將軍劉曜陷長安帝降至平陽為聰辱允號哭不能起發憤自殺

十六國春秋北地太守麴昌劉曜圍之大都督麴允救之晉將軍麴璽自阿城率眾五千救長安麴羨西涼右丞相麴景南涼記室平西將軍沙州刺史又南涼麴承明為文成之秀

傑麴梁明為記室監聘于段業前涼曹祛黨麴儒欲劫前福祿令麴恪為主子實討斬之張軌別駕麴晁欲專威福軌遣參軍麴陶領三千人衛長安駿遣參軍麴護上疏于晉乞北伐張天錫九年西域校尉張頌殺麴儉儉臨死具言取之頌後見白狗以刀斫之不中頌便倒地不起左右見儉在旁遂卒按亦見還寃記

西秦錄乞伏乾歸時麴景為侍中太子詹事熾磐時為御史大夫尚書令又禿髮蒙遜來伐西平太守麴承謂之曰殿下若先取樂都則西平為殿下之有西平苟望風請服亦明主

之所疾也蒙遜乃釋西平攻樂都

前秦錄新城太守麴常為晉所攻遁走郡入于晉

北齊書麴珍字含洛西平酒泉人勇壯善騎射官豫州刺史

魏書高昌人立馬儒為王以鞏固凡麴嘉為左右長史國人

又殺儒而為嘉為王嘉字靈鳳金城榆中人嘉先臣蠕蠕又

臣高車熙平元年嘉遣兄子私署左衛將軍田地太守孝亮

朝京師求內徙賜詔不許死子堅立普泰初堅遣使朝貢除

平西將軍瓜州刺史秦臨縣伯王如故又加衛將軍後遂隔

絕

魏書麴紹滎陽人善占候與郭生卜二伏牛何者先起紹言

青者先起

蜀錄李特以麴歆為瓜牙

華陽國志西夸校尉西平麴炳表求出軍

晉書西平人麴路伐登聞鼓言多祲謗赦之

隨書帝將西巡命裴矩說高昌王麴伯雅及伊屯吐屯設等

唱以厚利使入朝子文泰後立

唐書高祖四年劉黑闥寇陷冀州總管麴稜死之稜稜為隨

冀州刺史王世充嘉其忠以為內史命

唐書高昌王麴文泰不入朝病死其子智盛立後降其大將
麴士義紹曹麴德俊太宗拜智盛左武衛將軍弟智湛右武
衛中郎將其子昭好文學有鬻異書者母顧笥中金嘆曰何
愛此不使子有異聞乎昭歷司膳卿頗能詞章弟崇裕有武
藝坐拱四年以左豹韜衛大將軍為中軍大總管拒越王貞
終鎮軍大將軍按朝野僉載冀州參軍麴崇裕送司功入京
詩曰崇裕有幸會得遇名流行司士向京去曠野哭聲哀司
功曰大才士先生其誰曰吳兒博士教此聲韻司功曰師明
弟子哲按崇裕著郊祀集十卷

唐書吐蕃將麴莽布支寇涼州圍昌松為隴右諸軍大使唐

環休所破

画謚麴庭善山水入能品

氏族畧麴承之娶呂誨長女與吳安詩為友塔開寶登第有
麴拱

氏姓謚麴信貴州人正統中長沙府通判麴鉞遷安人正統
中任河曲縣訓導

麴 見姓苑

氏姓謚唐麴信陵吳人貞元中為望江令有惠政祈雨即應

白居易為作秦中吟按唐登科記作魏信陵貞元中進士有
集十卷見藝文志

四川志麴靖涪州人紹興進士

睦 見路史

魏書世宗遣鴻臚少卿睦延吉持節拜英為中山王

北齊書散騎常侍睦豫字道閑高邑人父寂梁北平太守道

閑弱冠舉秀才天保中參議凡令隨開皇中卒于洛州司馬

北齊書崔暹令權會為其子達拏說周易兩字集朝貴名流

令達拏升座開講趙郡睦仲讓陽屈之奏為司徒中郎

唐書武德初有涼州胡睦伽他為寇入子城長史劉君傑擊

破之後又寇武興左武候大將軍安脩仁擊于且渠川破之

冥報錄唐睦仁蒨者邯鄲人也少事經學不信鬼神嘗欲試

見其有無後徙家向縣路見一人如大官衣冠甚偉乘好馬

從五十餘騎視仁蒨而不言後數見之忽駐馬呼仁蒨云此

頻見君情相眷慕願與君交游仁蒨拜之問公何人曰吾是

鬼耳姓成名景本和農人西晉時為別駕今任臨湖國長史

且曰黃河以北總為臨湖國國都在樓煩北王即故趙成靈

王今統此國總受太山控攝每月各使上相朝于太山故吾

得與君相遇能令君先知禍福而避之可免橫苦仁菑從之
氏族畧睦緯大名人登科睦臣撫州軍事判官

画史會要睦坦字履道京口人善画山水

氏姓謚睦大用元時汾州同知公廉有威吏民畏服睦堅南
平人宣德舉人任教諭睦仲德蕪湖人正德中清豐縣丞
題名錄睦朝棟丹徒人乾隆壬戌進士

夙 見姓苑路史

氏姓謚宋紹定進士夙子興崇安人開寶進士夙師清建安
人寶祐進士夙或伯建安人

氏姓謚明有夙道暹字志彰松溪人景泰中初盜攻縣暹奉
檄詣巢諭之生禽賊首二十餘名招撫一千餘家天順末屢
禦流寇有功授知縣督捕盜事夙瓊松溪人天順間貢士任
訓導

夙沙氏見世本

說文夙沙瞿子善煮鹽魯連子夙沙瞿子善漁

左傳襄十年溴梁之戰齊夙沙衛連大車以塞隧而殿後以
高唐叛

左傳鼓子之臣曰夙沙釐晉中行伯執鼓子為鞶以歸令非

寮勿從風沙釐以其擊行軍吏執之辭曰我我君是事非事
土也名曰君臣豈曰土臣今君實遷臣何賴於鼓云云穆子
言于頃公與鼓子田于河陰使風沙釐相之

馥 見漢書注

漢書宣帝受詩于東海馥中翁服虔云馥音馥師古云馥房
福反東海人姓馥字中翁也中讀曰仲

馥 字彙補音未詳姓也按吳任臣引馥循大誤此非姓宜刪

瀟 見姓苑

姓苑漢有雁門太守瀟河按一引作蕭祥風俗通有宿祥亦

雁門太守或因而相混

璠 廣韻璠姓也息逐切集韻息六切並音肅玉篇璠人姓思六

切

連 見姓苑

氏族畧宋連希覺知連州

氏姓譜連斌正統中饒州衛千戶

緝紳錄嘉慶時雲南鶴麗類順雲營右軍守備連瑄雲南人

處 見顏氏家訓音伏輿定音密者異

顏之推家訓孔子弟子處子賤為單父宰

鬻 見鄭康成箴膏肓姓苑

左哀五年傳齊公子荼母鬻如服虔注鬻如景公妾淳于人
所納按索隱云左傳鬻如之子荼嬖則荼母姓如史記作芮
姬不同也譙周依左傳作鬻姬如誕本作芮姁

左莊十九年傳楚子木敗于津還鬻拳弗納初鬻拳彊諫楚
子楚子弗從臨之以兵懼而從之鬻拳曰吾懼君以兵罪莫
大焉遂自刎其足為大閹謂之大伯使其後序之君子曰鬻
拳可謂愛君矣諫以自納于刑刑猶不忘納君于善按鄭子

箴膏肓鬻拳同姓

按陸終季子季連之後為鬻熊事周文王其曾孫熊繹當成
王時封于荊州前漢藝文志鬻子二篇顏注即鬻熊而杜預
謂鬻熊為祝融十二世孫賈子熊年九十始見文王王曰噫
老矣鬻子曰使臣捕獸逐麋已老矣若使坐策國事臣年尚
少文王善之遂以為師著鬻子二十二篇

犢

劉向新序趙簡子欲專天下謂其相曰趙有犢犢晉有鐸鳴
魯有孔丘吾殺三人者天下可王也于是乃召犢犢鐸鳴而
問政焉已即殺之

瀆

姓苑漢有瀆弘之按亦見集古印謚

築

氏姓謚築應祥廣東人永樂中貴溪縣丞

菽

見姓苑

漱

漱僕氏按無此姓鄧名世辯證誤宜刪

淑

此姓諸書無今補

前燕錄咸和九年慕容皝遣揚威將軍淑虞攻烏丸悉羅侯

于平岡斬之

菽

見姓苑

育

見集韻此姓諸書無今補

魏畧鮮卑大人育延為習斬之是育係夸姓

鳳

見姓苑集韻

縛

集韻縛姓也音拂縛切此姓諸書無今補

繆

見姓纂按索隱止救反一音穆

史記藺相如為趙宦者令繆賢舍人趙求人使報秦者未得賢曰臣舍人藺相如可使也

史記申公傳蘭陵繆生

漢郊祀志亳人繆忌奏祠太乙按亦曰薄忌蓋薄與亳同言薄人忌非姓薄也封禪書作繆忌

漢書繆彤字豫公召陵人太守隴西梁湛召為決曹史湛卒彤送喪還隴西始葬西羌叛湛妻子避亂他郡彤獨留為起塚墳兄弟四人皆同產業諸婦各求分異彤深懷憤歎掩戶自搗弟及諸婦皆謝過後官中牟令按亦見汝南先賢傳

漢書繆斐東海人字文雅該覽經傳事親色養屢徵博士侍中不就按宗躬孝子傳繆斐蘭陵人父忽患疾醫藥不給斐

夜叩頭不寢不食氣息將盡至三更中忽有二神引鑿而至求斐曰尊公昔經見侵故有怨報君至孝所感昨為天曹攝錄斐驚起視父已差父曰吾昔過伍子胥廟引二神像置地當是此耳

吳志薛瑩傳選曹尚書同郡繆禕以執意不回移為羣小所疾左遷衡陽太守既拜又追以職事見詰責因詣瑩為人所白乃收禕下獄徙桂陽

魏志繆襲字熙伯斐子官尚書郎光祿勳著列女傳二卷按襲作製埋文父母墓下將以千載之後陵谷變遷欲後人聞

知但紀姓名居官祖父姻婭而已按文章志襲辟御史大夫
府歷事魏四世年六十卒子悅孫紹播徵胤等並皆顯達
晉書繆悅字孔懌襲子晉世為光祿大夫子紹播徵胤並顯
達播字宣則官中書監有論語注胤字休祖初為尚書郎後
轉魏郡太守太僕與尚書何綏太史令高堂冲並參機密為
太傅越倫殺之按通鑑太弟中庶子繆播有寵于司空越從
弟右衛率亂太宰顯前妃之弟也越之起兵遣播亂入長安
說顯令奉帝還洛又說顯斬張方以謝山東
晉書傅元魏末為郎中與東海繆施俱以時譽選入著作撰

集魏書

魏志河內太守繆尚率眾降封列侯按一作繆尚

前涼錄張軌傳秘書監繆世徵少府掾虞夜觀星象相與言
曰天下方亂避難之國唯涼土耳張涼州德量不恒殆其人
乎

晉書有秘書監繆徽又博士繆蔚與庾勇太叔廣傅珍等上
表言齊王攸不宜遣之國

晉書蘭陵繆徵附會賈謚在二十四友之列

晉書王敦高安都護繆坦請武昌城西地為營

前燕錄慕容廆有繆愷蘭陵人以文章才雋任居樞要
後趙錄冉閔侍中繆嵩大將軍蔣幹使求救于謝尚奉表歸

晉

魏書初蘭陵繆儼靈奇與彭城劉氏才望畧等及彭城內附
靈奇弟子承先隨薛安都至京師賜爵襄賁子尋還徐州數
十年間了無從宦者世宗末承先子彥植襲爵見釵稍遷伏
波將軍羽林監彥植恭慎長厚為時所稱

穆

見姓纂

荀子燕有穆緄與齊田單楚莊躡秦衛鞅皆世俗之所謂善

用兵者其巧拙彊弱未有以相若也若其道一也緄或作蠟

漢書有穆生與楚元王交因醴酒不設而去按一作繆

菀文志穆商著甲氣攝生論四卷

魏書穆良為鉅鹿太守得民譽又穆崇代人少以盜賊為事
後事道成劉顯謀逆崇密告之後道成為魏王崇官侍中豫
州刺史太尉宜陽公子觀字闡拔少以文菀知名太武監國
觀為右弼出則統攝朝政入則應對左右事無巨細皆關決
焉觀子壽壽子平國平國子伏干按此皆上穆陵氏所改

魏書穆亮字幼輔字老生早有風度高公主加侍中奏宕昌

王梁彌博凶悖立彌機兄子彌承為司州大中正子紹字永業歷七兵殿甲二尚書居喪以孝聞除衛大將軍中書監贊靈太后黜元乂見爾朱榮奉手不拜按穆泰之反也中書監穆羅與通謀赦後事發削官爵為民弟司空亮以府事付司馬慕容契上表自劾優詔不許亮固請聽亮遜位按此亦正穆陵氏所改

魏書穆弼有風格涉獵經史與長孫權陸希道齊明名孝明時河州羌卻鐵忽反勅兼黃門慰諭忽以功加前將軍

魏書穆凱觀弟忠謹有材力從太武征赫連昌勇冠一時從太武田噶山有虎突出凱搏而獲之按此亦正穆陵氏所改仙傳拾遺穆將符者唐給事中仁裕之姪也幼而好學不慕榮利而深入乎闕縱逸自放不知師匠何人得吐納內脩之道好飲酒高間傲睨人莫之測羅浮軒轅先生有道之士大中年徵入闕至京使人訪之將符已遯去先生曰穆處士隱仙者也名列于九清之上矣

談賓錄穆宣不知何許人顏真卿奏為河北道採訪使宣以長子屬母弟曰唯爾所適苟不之嗣吾無累矣因往平原謂真卿曰先人有嗣矣願畢佐公以定危難其後宣計或不行

真卿棄平原夜渡河按唐書宣河內人父元休有名開元間
獻書天子擢偃師丞安祿山反宣斬其景城守劉道孚又斬
史思明之使上元初為殿中侍御史佐鹽鐵轉運後遷鄂岳
沔都團練及租庸鹽鐵轉運使

李肇國史補穆氏兄弟四人贊質員賞時人謂贊俗而有格
為酪質美而多文為酥員為醍醐言粹而少用賞為乳腐言
最凡固也按四人皆宣之子贊字相明為御史中丞質右補
闕員字與直侍御史賞監察御史
按穆寂貞元時人有南蠻北狄同日朝見賦

唐藝文志穆元休洪範外傳十卷

穆陵氏魏官氏志穆陵氏後改為穆氏按宜作丘穆陵氏姓
謚此引誤脫丘字宜刪

穆延氏此姓諸書無今補

五代史朱宏昭謂其穆延輝曰上召我急將罪我也吾兒婦
君之女也其以歸君母使及既按薛史穆延輝將軍也時在
宏昭第

族 見姓苑

菊 見姓苑

讀 見姓苑

蝮 見姓苑

儵 見姓苑

涑 見姓苑

鄭 姓苑鄭音郁人姓

奠 此姓諸書無今補

按史記周勃傳獲陳豨丞相箕肆徐廣云一作奠肆是有奠姓也

威 此姓諸書無今補

韓非子吳使威融與沮衛犒荆荆欲以蒙鼓按即蹶由也其事亦見左傳

儼 玉篇容祿切姓也亦見廣韻集韻姓解路史

按唐嵩山字缺三淨藏禪師身塔銘云師諱藏俗姓儼濟陰郡

人十九出家六歲持誦金剛般若楞伽思益等經寫瓶貫縱諷味精純來至嵩岳遇安大師親承咨問十有餘年大師化後遂往韶郡詣能和上咨元問道

儼 按秦惠王詛楚文作儼

堂邑令費鳳碑堂邑儼忠年十有一字建臺按洪文惠云即

戚字夏承碑同

高、此姓諸書無今補池北偶談任給事中琪曰高密有高姓音
閱初六切

姓韻卷八十四

二沃

沃 見風俗通路史

風俗通列仙傳有沃焦吳人著神仙傳

氏族畧沃子政紹興進士

氏姓謹沃野蕭山人明洪武中溫縣令憫民艱食令闢蕪蕪

果民歌曰田野闢沃公力衣食足沃公育沃俊溧水人洪武

舉人任評事沃閩江南人宣德舉人沃乾紹興人景泰進士

武威張 澍纂

沃類寧波府定海縣人成化丙戌進士官御史左遷內鄉知縣興利除弊禁奸保良政績赫然擢荊州知府按駒陰冗記定海沃太守泮性褊急官路鮮合者太傅王越以詩規之不能用按泮即類也

氏姓謚沃漸廣德舉人正德中鄒縣知縣沃寬蕭山人正德中分宜縣訓導沃振業新城人嘉靖中鄧州學正沃允謙山東人萬厯中山西參將沃洲鎮海縣人乾隆丁巳進士

五 見路史

謝承後漢書玉況字文伯京兆杜陵人代為三輔名族該總五經志節高亮為陳留太守章和元年詔以況為司徒按三輔決錄玉況字文伯光武以為司徒在建武二十三年至章和元年凡四十年況沒已三十六年矣

繁陽令碑陰有功曹史玉俊叔嚴功曹玉休季盛故民玉祥子琦功曹史玉備仲載玉升志賢玉拂伯載故吏玉宮子行玉廉仲讓玉嚴伯俊玉稟景博故民玉僉子嚴玉貞伯亮玉祥伯慎

氏族畧玉珏金堂人隆興進士玉天麟金堂人淳熙進士氏姓謚金有玉競河內令時歲饑盜起競設方畧購賊不數

月盡得之

四川志玉恩彰縣人弘治中任晉州判官

題名錄玉鉉登州黃縣人弘治壬戌進士

統謙玉璽邯鄲人嘉靖中太醫院吏目

足見千姓編

戰國策韓陽役于三川而欲歸足強說韓王曰三川服矣王

亦知之乎役且共貴公子王于是召諸公子役于三川者而

歸之

曲見風俗通

墨子桀臣曲逆與伊尹比而亡夏

史記蒙恬傳二世遣御史曲宮乘傳之代殺蒙毅

史貨殖傳掘冢女娥事也而曲叔以起

巴郡太守張納碑陰有賊曹史宕渠曲亂

風俗通漢有代郡太守曲謙按姓纂作曲證訛

風俗通後漢有太常卿曲仲尼

粵陽國志巴州主簿曲庾宕渠人

集古印誣漢有曲宮慎

晉書有秣陵令曲安遠

三國典畧齊斛律光之入寇也周韋孝寬頗忌之孝寬參軍
曲巖知卜筮謂孝寬曰來年東胡必大相殺巖乃作謠言曰
百升飛上天明月耀長安

唐書曲環安邑人客隴右少喜兵法資勇敢善騎射李希烈
反反環以行營節度使守宣陵戰陳州克之環勤身恭儉賦
稅均平政令寬簡後官金吾大將軍尚書僕射按奉天錄李
勉不用其計故敗環製行軍司馬陳履孳于馬下責讓之西
陽雜俎有曲將軍環食法

唐書契丹辱紇主曲據帥思內附按奚契丹酋領皆稱辱紇
主也

裴潏傳前率府倉曹曲元衡杖殺民栢公成母有司以死在
辜外推元衡父蔭贖金栢公成私受元衡資貨母死不聞公
府法寺以經恩免臯潏議之元衡杖六十配流公成以法論
至死

五代史靜海軍節度使曲承美按通鑑靜海節度使曲裕胡
身之注即曲承美又按裕子顥為安南都護充節度使據交
州在唐末至承美為漢主劉龔遣將李知順執以歸是曲承
美為顥之子也顥為裕子不得云曲裕即曲承美矣

宋史曲珍字君玉隴干世族寶元康定間夏人屢入寇珍諸父糾族黨禦之敵不敢犯于是曲氏遂以材武雄長邊關珍善騎擊劍嘗與諸父出塞游獵猝遇夏兵圍之奮擊大呼得出顧叔未出復持短兵還決鬥遂俱脫元祐初為環慶副總管夏師數十萬寇涇原珍馳三百里襲破之曲律山俘斬千八百人進東上閣門使忠州防禦使

宋史曲端字正甫鎮戎人父渙任左班殿直戰死端警敏知書善屬文有將畧歷秦鳳路隊將夏人入寇力戰却之建炎初金婁宿攻陝西端遣吳玠與戰大破之歷官涇原路經畧

安撫使為張浚害按書史會要端善屬文作字奇偉

契丹國志宋徽宗下詔復燕雲之時將後軍有曲奇

氏族畧宋登科有曲全昌和州人

元史曲惠至正間為龍溪尉攝縣事不越月決滯訟六十餘事

甘肅志曲能隴西人洪武中任縣事政平訟簡民咸宜之秩滿去民不忍舍留其靴懸諸邑樓故老至今傳誦

明史陳友定傳平章曲出引兵逆戰敗明兵

山東志曲廉蓬萊人正統間知蒲田縣築堤障水壑塔植桑

秩滿民詣闕請留立石碑頌之曲銳萊陽人化成進士授大理評事歷任河南副使升陝西按察使巡撫宣夏右副都御史

氏姓謹曲環解州安邑縣人正德甲戌進士曲遷喬長山人萬曆丁丑進士官海防副使曲入繩字子約湖廣舉人嘉靖中杭州同知以軍功升浙江海防僉事曲和聲掖縣人崇禎甲戌進士曲嶽安邑人貢士官鎮江府同知事曲天祥隴西人紫陽訓導曲聖凝宣海州人順治丙戌進士曲廷諫宣海州人乾隆丁巳進士曲春安定縣舉人

曲阜氏見姓纂

四川志曲阜昌四川南部舉人曾任南昌府同知嘉慶時人

粟 見姓纂

姓纂袁紹有魏郡太守粟舉按今魏志作粟攀

氏族畧宋有粟彭年定州人登科

氏姓謹粟恕長子人洪武中以國子生官戶部尚書粟林貴縣人永樂舉人官工部員外粟萬鍾井研人正統中任安福縣丞粟文舉威縣人景泰舉人粟茂梧州人成化中廣東副提舉粟旻宣州人成化舉人官訓導粟登字有年巴縣人加

治進士粟珍融縣人正德中高明縣訓導粟廷用松滋人正德中官陸涼州知府

燭 見姓誼

左傳僖三十年佚之狐言于鄭伯曰國危矣若使燭之武見秦君師必退

晏子景公好弋使燭鄒主烏而亾之公怒詔吏殺之晏子曰燭罪有三請數之以其罪而殺之按亦見說苑韓詩外傳作顏

鄒聚誤

呂氏春秋鼓之而士不起簡子投桴而嘆曰嗚呼士之邀弊

一若此乎行人燭過免胄橫戈而進曰亦有君不能耳士何弊之有簡子靦然作色曰寡人之無使而身自將是思也

史記秦丞相燭壽按魏冉謝病免以客卿燭壽為丞相後燭壽免復以魏冉為丞相

山東志元有燭理達般陽人進士

燭庸氏見高誘淮南子注路史

左襄公二十三年傳齊侯伐魏衛燭庸之越駟乘

淮南子薛燭庸子見劍而利鈍識矣高誘注薛齊邑燭庸氏

子通利劍

燭盧氏此姓諸書無今補

唐書吐蕃相尚婢婢遣燭盧鞏力與磨離罷子將兵禦論思

熱鞏力請按兵據險罷子不從鞏力稱疾歸鄯州

燭龍氏此姓諸書無今補

唐書神武皇帝時吐蕃悉那邏及燭龍莽布支功陷瓜沙河

惶震動

綠 見姓苑

姓苑古有綠圖為顓頊師按新序晉書作錄圖傳記作淥圖
路史引姓苑亦作淥圖

辱 見姓苑路史

蓐 見風俗通姓纂

穉 見姓苑路史

唐書車駕次安市城高麗北部穉薩率眾來救

毒 見唐書

葦 此姓諸書無今補

南史宋帝元嘉三十一年使交州刺史檀和之振武將軍宗

慤伐林邑陽邁聞之懼欲輸金其大臣葦僧達諫止之

穉

隨書突厥傳都藍遣其母弟褥但特勒獻于闐玉杖上拜褥
但為柱國康國公是褥為突厥姓也

辯證宋宦官褥懷羔掌香藥權湯院坐贓棄市按一作褥懷
志

欲 姓苑人姓也

氏姓謚元有欲廣城寨社人穀之後裔也成宗時以文臣授
元帥府左輔監軍領兵鎮守亳州子溫進校尉獲鹿縣尹

鄒 見姓苑

東 見文士傳

晉書東哲元城人字廣微博學多識問無不對元康中有人
自嵩高山下得竹簡一枚上兩行科斗書司空張華以問哲
哲曰此明帝顯節陵策文也檢校果然曾為楚賦諸文甚俳
謔三十九歲卒元城為之廢市祖混漢隴西太守父龕馮翊
太守兄珍亦知名按王隱晉書東惠馮翊太守子燦哲賈謐
請哲為著作郎察孝廉舉茂才皆不就太康中早為邑人請
祈三日雨官尚書郎著有五經通論發蒙記補亡詩

宋書東振祖晉成帝尚書郎哲裔也授統領東祥統領將軍
氏族畧唐東獬狀元東文豹指揮使東立甫以子宗聖封文

林郎宋有東元嘉合肥人調通城尉毀淫祠正風俗攝縣令
以政最聞後知秦州歲饑賑濟有法全活甚眾歷官樞密都
承旨東莊知萬州州多火災莊乃築水坊表火道火災以息
東向揚州人東長孺博州人東贊卿均登科

元史東崇芳丹陽人德祐時北兵俘其父國寶崇芳詣軍門
乞代于是釋之

五山草堂雅集東宗庚字章孟吳郡人按画史會要章孟善
画人物

氏姓謹東贊洪武初為安東知縣恤孤勸農俱有條緒東清

丹徒人洪武初為知萬載縣民逋租自鬻衣代償東春岐山
人宣德舉人官御史東鷓蕪湖人弘治中魯山知縣東文安
蕪湖人永樂中由人材授知縣

丹徒志東京字鎬臣順治丙戌進士任荷氏縣知縣東貞字
西侯任資陽知縣均丹徒人按貞一作真
題名錄東存敬項城縣人順治壬辰進士

鷓 見姓苑

蜀 見路史

國策蘇代為奉陽君說燕于趙以伐齊奉陽君不聽乃入齊

惡趙令齊絕于趙齊已絕趙因之燕謂昭王曰韓為為臣曰
人告奉陽君曰使齊不信趙者蘇子也令齊王召蜀子使不
伐宋者蘇子也使齊王謀遁取秦以謀趙者蘇子也令齊守
趙之質子又蘇子也請告子以請齊注蜀子齊將按蜀子宜
卽呂覽所言之觸子也

蜀山氏見世本史記

觸

此姓諸書無今補

呂氏春秋昌國君將五國之兵攻齊齊使觸子以迎天下之
兵于濟上齊王欲戰使人赴觸子耻而訾之曰不戰必剋若

類掘若龍觸子苦之欲齊軍之敗戰合擊金而卻之卒北觸
子因以一乘去

續

見太平寰宇記辯證

陶潛四八目舜七友續身按古今人表作續身呂氏春秋作
續耳新序作續牙

按晉之續簡伯卽續鞫居本狐氏族也

呂氏春秋慎行論高誘注續經趙人也告衛吏使捕李劾欬
因仕趙為五大夫人莫與同朝

漢功臣表武帝太始三年承父侯續相如以使西域發外王

子弟誅斬扶樂王首虜侯後坐賊殺軍吏謀入蠻夸祝詛上
要斬

集古印誼漢有續常有續意

晉書續咸字孝宗上黨人好學師事京兆杜預專春秋鄭氏
易教授常數千人博覽羣書高才善文論又脩陳杜律明達
刑書永嘉中歷位廷尉東平太守劉琨承制并州以為從事
中郎後没于石勒以為理曹參軍為律學祭酒持法詳平國
人比之于公著遠遊志異物志汲冢古文釋皆十卷按亦見
後趙錄

梁書魏徐州蕃郡民續靈珍擁眾萬人攻蕃郡以應梁魏徐
州刺史楊昱擊斬之

東魏義橋石像碑陰有續子禪續伯和

宋書隊主續豐荊州人母老家貧無以充養遂斷不食肉衡
陽王義季哀其志給米月二斛錢一千並制豐噉肉按此係
劉宋時人一引作五代史誤

劇談記咸通乾符中京師醫者續坤得秦和緩之術診脉知
吉凶休咎至于得失皆可豫言

廣古今五行志濮陽郡有續生身長七尺肥黑剪髮留二三

寸不著禪袴破衫齊膝而已人遺財帛轉施貧窮每四月八日市場皆有續生天旱續生入泥塗偃展久之必雨土人謂之豬龍

四川志宋乾道丙戌科進士續者遂寧人按一作雅州人

氏族畧續渙若汝州人續高賢兗州人建炎登科續感為吏部員外郎

明史韓林兒傳有續繼祖者殺均用所部自相攻擊蓋毛貴將也

氏姓謚續旻翼城人永樂進士續新泌陽人永樂舉人續鏞絳州人永樂舉人續俊翼城人正德中陽谷縣丞

續祈氏見英賢傳

英賢傳漢有續祈孟陽善易

麩 見梁四公記按麩音蜀奇姓通作麩音麥非也轉注古音麩音願亦舛宜依廣韻作麩齶音贖龐懋賢齶作續與他本不同

龐元英文昌雜錄姓麩名續麩音蜀續音湍浩疊人浩疊湍洮之間二水名昭明太子曰麩出索緯龐西人物志續出世本及廣雅

督 見姓苑路史

左襄二十二年傳樂盈之力臣曰督戎國人懼之乃出斐豹而閉之督戎從之踰隱而待之督戎踰入豹自後擊而殺之風俗通漢有五原太守督瓚按瓚一作瓊又作瓚

漢吉成侯州輔碑陰有便長督_廷仲英

魏書郢州司馬彭珍治中督榮祖等謀叛潛引蕭衍眾入義

陽

廣西志督仲美全州人嘉靖中歸善縣丞

贖 集韻贖姓也

篤 見姓苑

唐書則天時康居國大首領篤婆鉢提為康國王

氏姓謚明有篤自成建水人永樂中任直隸順義縣丞

浴 此姓諸書無今補

甘肅志明永樂舉人浴沂畧陽人官通判

旭 姓苑旭人姓

項 見風俗通路史

漢楊震碑陰有馮翊項文幾

歎 見姓苑

遼 見風俗通廣韻路史

風俗通前漢蒙鄉侯遼並王莽大司馬遼並先為左隊大夫
廣韻引風俗通漢有大司空遼並按並曾為漢著武將軍後
封同風侯為王莽大司馬將作大匠封蒙鄉侯又為橫壑將
軍左隊大夫也應仲瑗誤以為二人又以為司空誤並即普
普字恩澤侯表常鄉侯王暉以太僕與閻遷陳崇李翕郝崇
謝殷遼普八人使行風俗即此人並好士見卸君章傳
繁陽令楊君碑陰有處士遼瓌字德璋

許慎說文引遼安說

魏志江夏太守遼式

鍾繇建安四年賀捷表即日長史遼克宣示命令

後趙錄石虎奪民妻女金紫光祿大夫廣平遼明切諫虎大
怒使龍騰拉殺之按西征記遼明壘即石勒十八騎中之將
所築因名姓稱壘今遺址尚存

晉書成都王穎有無君之心永興初左衛將軍陳眕殿中中
郎遼苞成輔及長沙故將上官己等奉大駕討穎馳檄四
朝野僉載周朝有遼仁傑河陽人自地官令史出尚書改天
下帳式頗甚繁細法令滋章每村立社官仍置平直老三員

掌簿案設鎖鑰十羊九牧人皆逃散而宰相淺識以為萬代
皆可行授仁傑地官郎中數年百姓苦之其法遂寢

唐書高駢將有遂並按舊書畢師鐸署其卒長唐宏王朗駱
元真倪詳遂本新書作遂並也

周密高宗幸張府節次畧宋有提點兼祗應遂鎬

氏族畧宋遂湛景祐登科大名人遂勉天祐登科河中人

陝西志遂有方宋時重鑄旌儒碑

庚申外史元淮京元帥遂善之

元史遂魯曾字善止修武人性剛介通經術天歷二年進士

第授翰林國史院編脩升監察御史劾中丞史顯突簡傲復
為山北道肅政廉訪使

明史遂宏字希遠脩武人元浙江左丞魯曾之四世孫內附
後卜居錢塘遂為錢塘人洪武初選為生員從徐大璋授書
經年十八陳時政高皇帝悅之試秋柳臆稱旨授之官吏部
奏宏年少賜歸卒業後官武進教諭

明史遂德山仁和人封汝陽縣子官鎮撫從征陳友諒戰鄱

陽湖死

氏姓誼遂端柳城人永樂進士官御史按題名錄作仁和人

宣德進士又遂讓武定人弘治中高陽訓導遂濬章丘人正
德中荆門知州遂相廣宗人庠生嘉靖中母卒相悲號廬墓
三年負土荷醵大水至不浸遠近異之遂鼎章丘人弘治中
任通州學正遂中立字與權聊城人萬厯乙丑進士由行人
擢吏科給事中遇事敢言

陝西志遂嵐清豐人歲貢任邵陽縣丞好文執長官喜迎悅
嵐獨持正不阿以此銜之遂解任去載所植園蔬以行曰食
吾力也士民以為美談

甘肅志遂朝東成縣典史

明史林聰傳有指揮遂果

录 集韻云音録姓有录氏此姓諸書無今補

北魏邑子孫秋生造像碑有維那录祖憐

录 見何氏姓苑氏族畧

玉篇顛頊師录圖按新序作録圖白虎通韓詩外傳作録圖

録 姓苑録祖憐將玉二切姓也

于 見廣韻辯證

風俗通楚有大夫行衡

术 見章丘志

姓韻卷八十五

三覺

覺 見姓苑

角 見陳留志路史

漢書馮異傳關中大盜角閔據汧駱

姓苑後漢有角善叔

梁書正始中蕭及先率步騎二萬人寇兗州令別帥角念屯于蒙山招納兗州之民降者甚眾魏遣統軍畢祖朽攻念走

或威張 澍篋

之

氏姓謚角巖金鄉人宣德中利港巡檢

角里氏按角里地名諸書以為姓非也宜刪

嶽

見姓苑

章士雅嘉善志嶽彥高號雪樵色目人太祖時為雲陽令免官流落江湖因家武塘精懷素草書

氏姓謚嶽崇鄭州人成化中官上杭知縣嶽伸信成化中任福建富谷衛指揮

甘肅志嶽思忠榆次人弘治舉人知通渭縣寬猛相濟政事

熙然

廣西志有嶽敏

岳

見姓苑

宋史岳飛字鵬舉湯陰人初授河南北諸州招討使志圖恢復為秦檜所害追封鄂王謚武穆五子雲雷霖霆震雲十二從征潁昌大戰甲裳為赤以功授左武大夫死年二十二孝宗初贈安遠軍承宣使霖次子孝宗朝帥廣州道出章貢父老子弟來迎塗泣曰不圖今日復見公子也後官敷文閣待制雷為閤門祇候使震官鹽茶提舉飛討李成屯洪州雷震

彈壓被禍後變姓名匿大河民家子孫因家焉霆第五子雲
雷預難霖臨陣亡震霆潛住黃梅也飛死于高宗紹興十一
年至二十五年乙亥上距辛酉十五載矣秦檜惡岳州與飛
同姓改為純州霖子珂字相臺宣宗朝權發遣嘉興府兼管
內勸農事嘗治居金陀坊病其祖寃作籲天辯証天定錄等
書總名金陀粹編又作問剡錄程史九經三傳沿革例等書
宋史岳瑫霍山人建炎三年完顏宗弼由獨松關犯杭州守
臣遁瑫推命朱瑛為謀主金祝二尉為先鋒塹葛嶺以陷虜
瑫力戰死

按先有岳松字景山句陽人延祐中三聘不起解禽鳥語常
讀書于臥龍岡與蕭欒友善

元史岳存字彥誠冠氏人金將鄭侗合萬人圍城存率死士
突出西門賊退走又以五百人敗張開遇萬餘眾

氏姓謚明有岳仲明鄂王七世孫隱居不仕賜號純孝先生
岳正字季方勃縣人正統會元榜眼為相英宗嘗曰岳正倒
好只是膽大謚文肅

甘肅志岳昇龍字見之涼州莊浪人父鎮邦以平吳三桂功
累官山西大同鎮總兵昇龍幼穎異好讀書擊劍初仕永泰

營把總因本營遊擊謀叛禽之遂授奮威將軍征賊有功歷任登州天津兩鎮總兵康熙三十五年隨大軍征噶爾丹欽授方畧命在議政大臣上行走所至克捷凱旋後授四川提督四十九年建昌瓦部瓦尾摩狁生番跳梁昇龍平之入叛版圖者十餘萬戶後以病乞休因其母年逾九旬疏懇入籍成都遂家焉謚敏肅子鍾期琪岳超龍字化之因兄昇龍奏隸蜀籍遂家成都由行伍歷建昌守備東川遊擊康熙十六年以兄子鍾琪提督四川迴避補陝西西寧鎮遊擊雍正二年領河州兵會同參將張元佐進勦鐵布撒路等寨斬逆番

二千一百餘人破番寨四十一所擢河州協副將是年五月會同四川官兵自西寧出口由歸德至六哨蟲庫兒等處巡勦番夷七月復領兵鋒帶四川官兵出口勦逆夷羅卜藏丹津禽斬甚眾又以鍾琪總督川陝迴避補張家口協副將遷天津鎮總兵湖廣提督十年卒於官年五十一歲賜祭葬子鍾璜別有傳鍾瑢乾隆庚午舉人超龍儀幹脩偉沈勇敢戰與姪舍奇同時從戎俱以功著舍奇官山東鎮總兵鍾琪字東美生有至性母苗氏疾刲股以進猶忍痛習射嗜學工書能詩尤殫心武畧精太乙奇門書遇宿將老卒詢山川夸險

番情向背康熙五十年由捐納同知改武補松潘鎮中營遊擊遷參將未仕擢永寧協副將五十八年準噶爾擾西藏鍾琪奉都統法喇檄前驅至裡塘招撫番眾以通道路達瓦喇木札木巴第巴寨卜騰阿住不受撫誅之巴塘喀木布第巴懼獻戶籍乍察木多察哇番人均乞降五十九年隨定西將軍噶爾弼征西藏領兵四千駐察木多遣能番語者三十人衣番衣馳至羅隆宗禽準噶爾使者五人殺六人諸番驚懼乞降遂由拉里進藏斬喇嘛四百逆番七千準噶爾敗遁功加什等授左都督擢四川提督六十年與總督年羹堯奉命

勦果羅克鍾琪率雜谷等土司兵擊敗伏賊千餘破下果羅克二十一寨中果羅十九寨禽首惡酸塔爾榜索布六戈因攻上果羅克押六等寨首惡假磔亦就禽餘眾悉降得騎都尉世職明年勦平羊岡番設南坪營雍正元年青海羅卜藏丹津叛寇西寧鍾琪以參贊大臣率松潘漢土兵赴西寧與撫遠大將軍年羹堯謀由歸德堡一路勦撫有為賊坦道者滅之有為賊所擄者撫降之郭密九部落盜官馬聚太石山擊殺之所過五千餘里烽烟肅清青海番人氣奮明年授奮威大將軍進征青海時有郭隆寺喇嘛通賊伏兵高樓發矢

石鍾琪身先迎戰而以健卒由間道出燬其寺盡殲之以五千人出邊見野獸羣奔逆料前途有賊謀驅之斬五百餘人賊失偵探乃渡河大破之斬萬餘人禽逆黨阿喇卜坦温布等逼額穆訥布隆吉爾賊勦至柴達木羅卜藏丹津潛遁禽其母妹蘭白克鍾琪以黎明破其勦巢羅卜藏丹津潛遁禽其母妹及首惡吹喇克諾木齊札什敦多卜等以歸青海平上以鍾琪能于十五日內將逆賊大酋全數禽滅深嘉予之著授為三等公尋賜黃帶先是莊浪謝勒蘇番據卓子山碁子山作亂西寧諸番應之鍾琪率諸將分兵十一路進勦平之兼甘

肅提督三年兼甘肅巡撫署川陝總督初四川雜谷京川沃日等土司爭界年羹堯以舊屬金川之美同諸寨叛歸沃日致讐殺不已至是鍾琪勘定以美同諸寨仍歸金川而以龍堡三歌地歸沃日各土司悅服詔獎之實授川陝總督尋加兵部尚書銜疏言打箭鑪外裡塘巴塘乍了察木多雲南之中甸及察木多以外之羅隆宗諸部落距打箭鑪較遠宜令西藏達賴喇嘛管理其中甸裡塘巴塘及德爾格忒瓦迷霍耳等處並歸內地土司轄又言巴塘舊隸四川中甸舊隸雲南而巴塘所屬之本咱爾和宗拉普維西等處逼近中甸總

會于阿壑子實中甸門戶請改隸雲南與四川之裡塘打箭
鑪為特角廷議均如所請四川請選西安八旗兵駐潼關又
請將延安府屬州縣丁銀概從不下則歲減額銀萬二千八
百有奇將陝甘兩省丁銀攤入地畝徵收以便民情亦如所
請時四川烏蒙土知府祿萬鍾擾雲南東川府其黨鎮雄土
知府隴慶侯助逆而建昌之冕山涼山諸苗為之羽翼鍾琪
與雲貴總督鄂爾泰會勦明年正月萬鍾就禽慶侯乞降烏
蒙鎮雄改土歸流冕山涼山亦以次底定五年築松潘鎮城
堡改貴州之永宣縣歸四川轄于東川土府設義學于西宣

北川口外之大通川白塔川及策爾圖設鎮營駐守量增官
兵三千六百六年二月奏請升四川夔州府屬之達州為直
隸州改建昌衛為宣遠府增設西昌縣附郭改宣番衛為冕
宣鹽井衛為鹽源縣併會川衛入會理州均歸宣遠府屬其
所轄河東河西宣番阿都阿史各土司及紐結歪豁等土目
五十六處悉為區畫疆界擇苗番老成殷實者為鄉約保長
令約束之夸人有擄劫漢民者漢民有誘取夸民什物者苗
探有帶刀出入私藏烏鎗者悉嚴禁之七年請升甘肅之肅
秦階三州為直隸州于陝西子午谷增官兵防守于四川裡

塘巴塘等處設宣撫司安撫司長官司副土司土千百戶等
官約束番眾是年雷波土司楊明義勾結雲南烏蒙苗婦陸
氏滋擾鍾琪遣兵勦平之時有湖南逆犯曾靜潛遣其徒張
熙詭名投書勸鍾琪同叛鍾琪佯與設誓許迎聘其師遂盡
得靜與呂留良之徒嚴鴻逵往來謀叛狀上優獎之先是準
噶爾台吉噶爾丹策凌匿青海叛賊羅卜藏丹津且謀擾我
藩部喀爾喀上命鍾琪為西路宣遠大將軍率兵與北路靖
邊大將軍傅爾丹討之加少保八年噶爾丹策凌表稱願獻
羅卜藏丹津既而不至屢擾吐魯番明年傾眾犯北路傅爾

丹禦之失利鍾琪督兵襲擊烏魯木齊分賊勢由巴里坤抵
額勒穆克河分三路擊退之十年賊眾逼哈密鍾琪擊敗之
遣將軍石雲倬截其歸路賊由塔呼納呼竄遁鍾琪以玩忽
縱賊削公壽及少保降世壽為三等侯仍留總督銜大將軍
印戴罪立功旋以駐兵木壘屢失機宜褫職交兵部拘禁擬
罪斬乾隆二年奉旨釋歸十三年四川金川逆酋莎羅奔作
亂經畧訥親勦賊無功上命鍾琪以總兵銜從征尋授四川
提督由黨壩進勦時莎羅奔以勒烏圍巢穴康八達山跟咱
為門戶恃礪為險鍾琪撤土兵募新兵八月明攻康八達山

梁暗襲跟咱大敗賊眾十二月復連敗之于塔高山梁初莎
羅奔以鍾琪爲總督時勦金川爭界事甚公又奏給印信號
紙心德之然謂鍾琪已死聞鍾琪來不信十四年經畧傅恆
抵軍營誅降番良爾吉漢奸王秋尅期進勦莎羅奔懼有降
意然恐降而復誅遣心腹人至大營竊窺鍾琪鍾琪率從者
十三人袍服入勒烏圍賊巢諭以順逆大義賊酋棄刀努羅
拜進飲食留宿帳中次日莎羅奔詣大營泥首歸命詔許班
師鍾琪仍留兵駐小金川諭各土司聯絡和好以杜窺伺上
嘉予之加太子少保授兵部尚書銜復封本身爲三等威信

公賜紫禁城內騎馬免西征應賠銀七十餘萬兩子泐洪俱
授藍翎侍衛命還四川提督任十七年雜谷土司蒼旺構逆
鍾琪同策楞以兵奪維關直搗賊巢禽蒼旺誅之分其地爲
三雜谷歸松岡土司轄十九年重慶奸民陳琨滋擾力疾親
往督緝還卒于資州賜祭葬謚襄勤賞給一等輕車都尉世
襲罔替以少子瀟襲御製懷舊詩云三朝師或臣鍾琪爲巨
擘車騎伐準夸實其筭之失設誓誘張熙忠誠天鑒赤家居
十餘年命董金川役單騎入賊砦大義示順逆勇而且有謀
羣番龍言辟易受降遂凱旋實亦資宣力所見綠營多鮮克踵

其迹卓有古將風書勲太常冊鍾璜字渭章雍正七年以從
兄川陝總督鍾琪奏赴西路軍營効力授藍領侍衛授鑾儀
衛治衛正戴孔雀領翎乾隆元年擢四川威茂營參將遷永
寧協副將八年擢福建建寧鎮總兵歷江西南贛鎮雲南開
化鎮昭通鎮總兵擢廣西提督十九年三月調四川提督疏
言松潘鎮臣每年出口化番有名無實而從往并兵口糧自
備未免苦累請停止以節勞費時打箭鑪外孔撒麻書兩土
司因爭喇嘛構釁金川及綽斯甲布袒麻書草布什咱及德
耳格武袒孔撒互讎殺鍾璜同總督黃廷桂奏委都司宋元

俊等諭令罷兵歸巢二十三年金川土舍郎卡與草布什咱
土司色楞敦多卜聯姻夫絡以兵逐色楞敦多卜圍之鍾璜
與總督開泰奏調雜谷明正木坪等土兵黎雅峩邊等協營
官兵平之二十五年奏于定遠合州巴縣等處設哨船令塘
汛弁兵往來巡查奸匪二十八年金川土司掠鄰境土司奪
其地鍾璜請督勵綽甲布草布什咱小金川巴旺丹霸梭磨
卓克采從噶爾鄂克什九土司會攻之奉旨與總督阿爾泰
自雜谷進攻金川郎卡懾服願退還碉卡各安駐牧並獻所
掠人口投誠歸命疏入上許之是年鍾璜卒賜祭葬如例謚

莊恪濬字厚川號星源鍾琪長子年十九由廕生授陝西清
軍同知擢直隸口北道雍正五年遷山東布政使調山西旋
署山東巡撫七年父鍾琪以寧遠大將軍征準噶爾濬奉命
抵陝送父至肅州乃還加僉都御史實授巡撫在任幾十年
時尚綜覈而濬一以和易出之歲得屢豐盜賊匿迹乾隆元
年調江西初壬子癸丑間父鍾琪得罪下獄濬終日憂戚結
草舍以居茹蔬食粥非公事不衣絲枲三具疏奏請以身代
奉世宗硃批有至誠可以格天不必再瀆之諭乾隆二年鍾
琪得釋濬旋以事鐫秩補光祿寺卿未幾受福建按察使再

補廣東遷湖南布政使調廣東即擢巡撫調雲南嗣以舊任
廣東失察案降補鴻臚寺卿遷通政司參議卒濬歷任封疆
近三十年所至有聲而年僅五十人皆惜之湘字芷洲鍾璜
長子乾隆二十五年以父廕為藍翎侍衛旋授直隸赤城堡
都司三十六年升貴州安順遊擊出征金川攻克開達爾圖
功最復攻宜谿梁子先登因傷病卒年三十六

樂 見世族謚廣韻

按文十八年傳樂呂為司寇杜注戴公曾孫據世本戴公生
樂父術術生碩父澤澤生夸父須須生大司寇呂則杜說非

也文七年傳樂豫為司馬以讓公子申杜注戴公元孫據世
本澤生季甫季甫生僕伊與樂豫襄九年傳宋災樂喜為司
城以為政杜注樂喜子罕也據新唐書世系表樂呂孫喜喜
生司城子罕以一人分為二人其說舛誤成十六年傳鄭子
罕伐宋宋將鉏樂懼敗諸汭陂杜注樂懼戴公六世孫昭二
十二年傳樂和為司城杜注子罕孫一曰樂和黎即子梁昭
二十年傳樂舍出奔鄭杜注舍樂喜孫昭二十二年傳樂輓
為大司寇杜注子罕孫昭七年傳韓起以州易原縣于樂大
心二十二年傳樂大心為右師杜注樂大心子明族父定六
年傳見溷而行杜注溷樂和子字子明哀二十六年傳樂朱
鉏為大司寇杜注樂輓子哀三年宋樂髡帥師伐曹哀二十
六年傳門尹樂得哀二十六年傳樂茂為司城杜注樂溷子
茂字子潞宣十五年傳宋人使樂嬰齊告急于晉成十五年
傳樂裔為司寇襄六年傳孺弱與樂戀少相狎戀即子蕩襄
九年傳使樂遄庀刑器成二年傳宋文公卒用厚葬君子以
樂舉為不臣又按宋有樂朔與子思言學鄭有樂耳為楚囚
見文九年樂成奔楚遂適晉羽頡因之見襄三十年楚有樂
伯却之戰掉鞅而還在宣十二年晉有樂徵與箕遺右行詭

等濟師取前城見昭二十二年傳樂霄為銅鞮大夫見昭二十八年傳又有樂丁戚之戰卜戰龜焦樂丁曰謀協以故兆詢可也見哀元年傳魯有樂頎即樂欬見昭三十一年傳國策魏有樂羊樂騰趙有樂池樂祚

史記燕樂毅樂羊之後燕封為昌國君趙封為望諸君子樂間亦為昌國君宗人樂乘為趙禽毅孫樂叔漢封樂卿號等成君樂氏族有樂瑕公樂臣公樂臣公學黃帝老子之言師河上丈人按田叔學黃老術于樂巨公師古曰姓樂名鉅公者老人之稱按春秋後語樂毅後從燕入趙毅生間聞生巨叔毅封昌國君至漢高祖求毅之後封巨叔為等成君卒葬靈壽是叔又字巨叔也

功臣表悼陽侯樂說淮陰舍人告信反者按楚漢春秋以為謝公也又或作樂說

光武紀孫登將樂予殺登

來歷傳衛尉守丞樂圓與來歷討殺諷閣上弘等守闕明太子無過

漢書王景傳樂俊為浚儀令建武中上言民新被兵草河決不宜脩隄防乃止

漢書樂親為長陵縣吏生子恢字伯奇實憲北征數上書諫
陷死和帝時為尚書僕射子已為郎中

後漢書中常侍樂松按考異云松本鴻都文學必非中常侍
當依袁宏紀作侍中又按楊賜奏曰樂松處常伯則為侍中
明矣松後為奉車都尉見劉陶傳

神仙傳樂子長好道遇仙人授以神勝赤散方仙人曰蛇服
此藥化為龍人服此藥老成童子長服之年八十色如少女
入海登勞山仙去山高十五里周八里即墨縣東南三十里
魏畧樂詳字文載少好學建安初詳聞公車司馬令南郡謝

該善左氏傳乃從南陽步詣該問疑難諸要今左氏樂氏問
七十二事詳所撰也所問既了南歸鄉里時杜畿為太守亦
甚好學畧詳文學祭酒使教後進于是河東學業大興至黃
初中徵拜博士太和中轉拜騎都尉

經籍志樂彥著括地謚按史記注引樂彥說也

晉書樂廣字彥輔涇陽人官至尚書令衛瓘稱為人之水鏡
按晉召樂廣之子謨為郡中正謨稱父命不就卞壺奏之乃
就職又按成都氏楊乾運之婿樂廣鎮安州此又一樂廣也
見梁書

水經注晉泰始三年正月武帝遣監運大中大夫趙溷都匠中郎將河東樂世帥眾五千餘人修治河灘事見五戶祠銘經籍志樂資作山陽公載記春秋後傳十三州記

晉書王敦參軍丹陽樂道融雖事敦而忿其悖逆乃說甘卓使舉兵

前秦錄燕遣散騎常侍樂嵩乞師請割虎牢以西之地堅引羣臣議于東堂

孝子傅樂頤字文德涇陽人仕劉宋為京府參軍性至孝嘗有病忍而不言嚙被至碎恐母聞之哀已也

南史齊主以樂藹為荊州治中藹繕廨舍數百區頃之咸畢而役不及民荆部稱之

陳書左光祿大夫猗氏樂遜上言四事極諫

隋書樂運字承業涇陽人開皇初為涇陽建康令並有聲績作諫苑按周主贇初立以高祖刑書要制為重而除之又數行赦宥萬年丞樂運上疏諫後又與櫬詣朝堂陳帝八失周主大怒欲殺之內史中大夫元巖救之乃已

唐書高宗麟德元年以太子右中護樂彥璋同知軍國政事武后天授二年以鸞臺侍郎樂思晦同平章事按彥璋字德

珪思晦彥瑋之子為酷吏所殺雍州長安人

唐書樂彥禎魏州人少為本州軍尉歷博州刺史遷澶州魏博節度韓簡死以檢校工部尚書領留後進節度使中和四年累加尚書左僕射同中書門下平章使事僖宗自蜀還加開府儀同三司再拜司徒子從訓之亂為亂軍所殺按彥禎喜儒術引公乘億李山甫在幕府中書令王鐸過魏州從訓圍而殺之掠其侍妾

雲谿友議樂坤舊名冲累舉不第元和間東歸至萼嶽廟夜禱以下進退之計夢青綬人檢簿謂曰明年有樂坤不見樂

冲也冲遂改為坤來年果如其說後終郢州刺史

北夢瑣言僖皇播遷至洋源缺人掌誥樂朋龜侍郎赴行在因謁中尉田令孜薦之充翰林學士按樂朋龜字兆吉滑臺人第進士中和元年官翰林學士承旨知制誥後以太子少保致仕有西川青羊宮碑銘

宋史樂史字子正宜黃人作太平寰宇記子黃目字元禮官殿中丞直史館

氏族畧樂良樂泌樂希孟樂璠俱中州人

避暑新話樂嘉問達州人牛巴峽間不甚與中州士人相接

狀極質野而該博純至未見其比

樂王氏見英賢傳

左襄二十一年傳范宣子囚叔向樂王鮒見叔向曰吾為子請叔向弗應出不拜曰樂王鮒從君者也何能行杜注樂王鮒晉大夫樂桓子新序葉公諸梁問樂王鮒曰晉大夫趙文子為人何如對曰好學而受規諫葉公曰疑未盡之矣對曰好學知也受規諫仁也江出汶山其源若甕口至楚國其廣數里無他其下流多也人而好學受規諫不患其不立也英賢傳漢有郎中令樂王茂按茂一作幾

樂利氏見姓纂路史

樂尹氏見姓纂

樂正氏見姓纂

檀弓樂正子春之母死五日而不食曰吾悔之自吾母而不
得吾情吾烏乎用乎情按呂氏春秋樂正子春下堂傷足瘳
而數月不出猶有憂色

孟子孟獻子友樂正裘

孟子弟子樂正子克按孟子外篇孟母之喪樂正克治儀
列子有樂正子輿

樂師氏此姓諸書無今補

唐余知古渚宮舊事昭王反郢樂師扈子侍坐引琴而歌曰
王兮王兮聽讒邪枉殺左右寃伍奢二兒懷恨東奔吳創讐
構既破國都鞭屍戮骸丘墓屠賴申包胥人獲蘇王雖反國
憂未鉏祖王坐涕不復聽樂師扈子亦終身不操琴按吳越
春秋文有異同

朔 見姓苑路史

卓 見姓証

戰國策楚有卓滑齊明說卓滑以伐秦滑不聽也注疑即淖

滑

史記蜀郡卓王孫本趙人以冶鐵致富徙臨邛

後漢書更始將軍卓京謀欲相率反鄴城鉅期為魏郡太守

行大將軍事發兵擊卓京破之按東觀漢記京作原

漢書卓茂字子康宛人性寬仁恭愛為高密令光武時位太

傅封汎鄉侯長子戎大中大夫次子崇以中郎給事黃門後

至大司農崇子琴琴子訢訢子隆無子除

韓勅孔廟碑陰有吳郡卓裒孟貞

蜀志將軍卓膺

吳書合肥之役凌統身被六七瘡有卓氏良藥故得不死
吳錄卓恕未許何許人當建康還會稽辭諸葛恪恪問何時
當復來恕言某日至日恪為主人停不飲食候恕至賓客皆
曰建康會稽相去千里豈得如期俄而恕至

蘇鶚杜陽雜編瑤英之父曰宗本兄曰從義與中書主吏卓
倩等為心腹以構賄賂號為關節按唐書作主書卓英倩元
載多舛之金帛英與潛通密行以是上有所屬載必先知之
後為鄭餘慶杖死方用事時弟英璘橫于鄉里及英倩下獄
遂據險作亂全州刺史孫道平禽之

唐文卓雲河南人乾寧中及第作未明求衣賦駕在華州詩
問善如叩鐘詩

九國志卓惟休寶大時官中書舍人宋師南征後主降從入
宋改授太僕寺丞

金史高麗守將卓思正殺遼使者韓喜孫等十人領岳出拒
吳越備史閩人殺朱文進以僧儼明為主儼明姓卓氏雪峯
寺僧為眾所重相與迎立為帝按啟運圖本名偃為僧名體
明即位改巖明馬令南唐書儼明目有重瞳坐手過膝既立
無統御之畧來達復殺之

氏族畧宋卓洵字士直長樂人慶元間知東和縣留心水利
創置沿谿六間灌田萬畝卓琮字廷瑞從陳北谿遊嗜學堅
苦卓得慶字善夫號樂山登紹定五年甲科歷官秘書著作
郎以忤賈似道出知漳州平會寇景炎二年元兵徇城死之
卓立字志道福清人中特科有西谿文集八十卷卓田字稼
翁號西山紹興間文士工小詞

明史卓敬字惟恭瑞安人洪武中進士官御史敢言升戶部
侍郎文皇入京不屈死成祖嘗嘆曰國家養士三十年惟得
一卓敬按藝文志卓明卿著藻林八卷

氏姓謹卓潤福建懷安縣人洪武乙丑進士卓迪字民逸松
谿人善寫水墨永樂中詔入都兼工篆隸入翰林未授官而
卒卓爾字見可莆田人嘉靖庚戌進士授貴池知縣歷廣西
僉事陝西苑馬寺少卿卓有謙臨海縣人永樂乙丑未進士
卓天錫莆田縣人景泰甲戌進士卓彝武康縣人順治丁亥
進士

四川志昇升雲陝西人康熙時官四川守備

趙 此姓諸書無今補

按博古圖周有趙父之鼎

倭 見韋昭說

列仙傳倭佺槐里采藥父也好食松實形體生毛長數寸兩目更方能飛行逐走馬常以松子遺堯堯不暇服也松者簡松也時人受服者皆至二三百歲焉按韋昭云姓倭古仙人廣韻云倭儂古仙人未審何据

濁 見姓譜

史記胃脯簡微耳而濁氏連騎漢貨殖傳濁氏以胃脯而連騎

漢書元后名政君初入宮時皇后使侍中杜輔掖庭令濁賢

交送政君入太子宮

東觀漢紀鼃池霍郎陝王長湖濁惠琴陰陽沈等稱將軍降于馮異

濯 見風俗通

風俗通古賢人濯輯之後

四川志濯賡乾道進士濯庠類省亞元濯融嘉祐進士濯行進士俱內江人志又云涪陽縣南奚家谿有濯賡墓官侍郎

駮

駮馬氏見漢書注

漢書盧芳傳駁馬少伯初為盧芳將降光武封安定侯

隳 玉篇苦覺切姓也集韻訖岳切音角姓也此姓諸書無今補

學 見姓苑

集仙傳有學吳劍州人

樸 見姓苑樸同朴

印藪漢有朴周

五代會要唐天成二年新羅副使兵部郎中朴述洪為御史

中丞

五代史晉開運二年高麗使其內軍卿朴藝言來

氏姓謹唐朴忠親軍指揮使宋朴景泉州人潮州通判明朴

淳瀋陽人永樂中新安衛指揮朴元亨交趾人鴻臚序班宣

德中使朝鮮朴素新安衛左所鎮撫幼孤事母極孝年十六

母喪葬問政山去家十里素每日暮泣拜寒暑無間壽九十

七邦人敬慕之

四川志朴懷德遼東監生康熙時任資陽知縣

糕

氏姓謹糕芳平度州人正德中任南平訓導按糕芳一作糕

芳誤

响

响厮羅氏見唐書此姓諸書無今補

宋史吐蕃至唐末種類分散宋時入貢不絕其首領响厮羅始居鄯州後徙青唐

瑛

見姓苑

璞

此姓諸書無今補

漢中府志明宣德舉人璞俊城固人官知縣

姓韻卷八十六

武威張 澍纂

質韻上

質

見路史

論衡魯哀公欲西益宅史爭以為不可公以問其傅宰質睢質睢曰天下有三不祥而西益宅不與焉按或以宰為姓

漢書貨殖傳質氏以酒削而鼎食

輿服志後漢有質堪注荀綽晉百官表注云漢建光中尚書陳忠以為令史質堪上言大官冠著兩梁尚書孟希奏大官

職在鼎俎不列陞位堪欲令比大夫兩梁冠不宜許臣按堪言合典可施行

邛 見潛夫論風俗通

史記貨殖傳酒削薄技也而邛氏鼎食按漢書作質氏

漢書邛都河東楊人景帝時為中郎敢直諫面折大臣于朝後為濟南太守遷中尉號蒼鷹

韓安國傳所舉有壺遂臧固邛他皆天下名士

百官表執金吾邛元

漢書邛暉字君章西平人光武時舉孝廉為上東門候後授

皇太子韓詩遷長沙太守首舉孝子古初子壽字伯孝善文章以廉能稱官尚書僕射為京兆尹彊豪震竦以譏刺實憲下獄自殺按明暉天文厯數以為漢必再受命上書說王莽令就臣位莽大怒擊暉獄會赦得出

後漢書邛元義父伯孝為尚書僕射元義還鄉里妻留事姑甚謹姑憎之幽閉空室節其飲食羸日甚妻終無怨言後伯孝恠而問之子朗年數歲言母不病但苦飢耳

汝南先賢傳邛朗伯汝南人為安平相

汝南先賢傳邛伯尚與黃叔度周子居艾伯堅封成興盛孔

叔為汝南六孝廉太守李俔所舉按杜元凱女誡作郅伯尚
拾遺記張掖郡郅郁字君珍居喪盡礼以淚灑石石即成痕
著枯草枯木在冬必茂浸地成鹹謂之鹹鄉漢帝嘉其孝義
表銘其邑改曰孝行之鄉歲時使立廟祭祀按御覽引郅寄
字君珍喪親盡礼去墓一百里每夜行常有烏銜火以夾之
風俗通郅伯夷坐誦六甲孝經易本六甲按搜神記北部督
郅西平郅伯夷長沙太守郅君章孫以鏡照犬恠即是人也
集古印謚漢有郅平郅官

晉書郅輔長安富人為張方部將河間王顓使輔斬方輔從
之使輔送書于方持刀而入守閫者不疑方火下發函輔斬
其頭顓以輔為安定太守

唐書郅昌涇原節度使築城于金佛峽口以控吐蕃列燧相
望吐蕃望風而退

氏族畧宋郅之邵潞州人登科按一作延安人

氏姓謚郅朗肥鄉人至元中為武安尹練達吏事剛方嚴毅
介然無纖毫取于人明郅敏蒲州人洪武舉人郅述中蒲州
人萬厯末知麟遊縣清介自矢一事病民如身受之邑故疲
述中徐為料理不以督責擾民郅用義渭南人弘治中山東

膠州判官

四川志卸廷鑣山西監生雍正十年任捷為知縣

粟 見風俗通

國策燕王喜使粟腹以百金為趙孝成王壽酒三日反報曰
趙民其壯者皆死于長平其孤未壯可伐也王乃召昌國君
樂閒而問曰何如對曰趙四達之國也其民皆習于兵不可
與戰王曰吾以倍攻之可乎曰不可曰以三可乎曰不可王
大怒左右皆以為趙可伐遽起兵六十萬以攻趙令粟腹以
四十萬攻鄒使慶秦二十萬攻代趙使廉頗以八萬遇粟腹

于鄒使樂乘以五萬遇慶秦于代燕人大敗樂閒入趙

貨殖傳漢長安富室有粟氏

漢書景帝粟夫人生四子臨江王榮德闕子

衛縉傳孝景帝廢太子誅栗卿之屬蘇林云粟太子舅也如

淳曰卿其名索隱云粟姬之族

逸民傳齊粟融字容卿不仕王莽

儒林傳粟豐秦山人事河內食子公受韓詩官至部刺史其

後山陽張就又從豐受焉

後漢書中常使粟嵩按靈帝時十常侍之一也

隸釋藁長蔡湛頌云故吏栗尹等共刊斯石

集古印誼漢有栗賞

英雄記有鄴郡太守栗成

魏志袁紹魏郡太守栗攀按姓纂引作栗舉今本同

後魏書元畧止抵故人河內司馬始賓始賓與略縛荻筏夜渡孟津詣屯留栗法光家轉依西河太守刀雙匿之經年後以法光為本縣令

晉書元康六年遷益州刺史栗譏為梁州加官將軍按雋陽國志作栗凱是也

舊唐書明州鎮將栗鏗殺刺史盧雲按唐書裴休父肅為浙東觀察使禽浙東賊栗鏗于台州斬之

氏族畧宋栗大用武宣人祥符間九歲通五經應童子科真宗奇之特補登左郎後至南雄太守按一作栗大同疑誤

氏姓誼明栗銘用弘治進士潞州人栗景初弘治中太常寺丞濬縣人栗應麟嘉靖進士潞州人栗應宏字道甫上黨人魁岸逸邁嘉靖時鄉試不第退居太行山耕讀以老

甘肅志栗在庭隆慶進士官至山西布政使栗儲棟舉人任夏津知縣栗增貢生均安定人

山西志粟永祿字仕學長治人嘉靖甲辰進士任江西按察使風采峻厲時籍分宜之家當事者承望風旨株及平民以盈其數永祿憐之審釋者千計累官兵部右侍郎按統謚作濬縣人

一見姓苑邵思姓解

氏姓謚一炫宗延川人正統中官靈壽縣丞一洪鄧州人成化中官贊皇知縣一善定州人成化中任嵩明縣丞

壹見千姓編

印藪漢有壹元

氏姓謚壹震昌永樂間任興化府經歷

壹斗眷氏見廣韻引後魏書按一引作一斗眷氏

壹那萋氏見官氏志按一引作一那萋氏

壹利吐氏見唐書回紇傳按一引作一利陟氏

乙見姓苑姓纂

漢史晨脩孔廟碑有魯相乙瑛字少卿平原高唐人奏置孔廟置守廟百石卒史

風俗通漢有南郡太守乙世

集古印謚漢有乙忠

魏畧正始二年朱然圍樊城城中守將乙脩求救甚急

前燕錄乙逸平原人仕為東券護軍慕容仁之叛逆棄城奔還轉予菟太守慕容儁建畱臺遷尚書專委畱務遷幽州刺史被徵為左光祿大夫夫婦共載鹿車子璋服飾甚麗逸常憂其必敗更被擢用位至中書令御史中丞按燕又有鴻臚乙歸揚威將軍乙愛

南燕錄蘭汗之妻乙氏請慕容盛于汗乃舍于宮中

魏書駙馬都尉乙瓌代人善騎射每戰身先士卒勇冠三軍父匹慕國化遣瓌入貢世祖畱之數從征伐甚見信待尚上

谷公主子乾歸身長八尺有氣幹習書疏好兵法獻文初為

秦州刺史有惠政子海字懷仁官散騎常侍濟州刺史子瑗

一作瓊字雅珍散騎常侍後官中軍將軍西兗州刺史弟諧字

遵和武定中司馬諧弟琛字仲珍解褐司空參軍事稍遷東平濟陰二郡太守

周書宮伯乙鳳賀拔提潛與帝謀誅宇文護按鳳係乙弗氏稱乙者省文

魏書丞相太原王乙渾專制朝權多所誅殺安遠將軍賈秀掌吏曹事渾屢言于秀為其妻求稱公主秀曰公主豈庶姓

所稱秀宣取死今日不可取笑後世渾怒罵曰老奴官慳會
侍中拓拔丕告渾反馮太后收渾殺之

魏書安樂王長樂與內行長乙肆虎謀為不軌

魏書使殿中尚書乙拔將三萬騎討蓋吳

北史乙普明清河人兄弟爭田太守蘇瓊諭之即同居

唐書孫萬榮破王孝傑于柳城西北依險築城留其老弱婦
女所獲貨財器仗使妹夫乙寃羽守之

唐書安祿山裨偏乙舒蒙按顏真卿傳袁知秦遣其將白嗣
深乙舒蒙等以二萬人來拒賊大敗斬首萬餘級

唐書新羅王真平死無子立女善德為王大臣乙祭柄國

氏族畧乙大度嘉熙間知宣化縣

氏姓謹乙瑄淮南人成化丙戌進士官吏部主事按江寧志
作孔部郎中一作河南人誤瑄凌氏作瑞

江南志乙山海州人嘉靖中任東鄉縣訓導

山東志乙邦才青州人崇正中以隊長擊賊于河南江北黃
得功陷淖賊圍而射之馬斃邦才大呼衝賊走邦才授以已
馬分矢與之後隨史可法鎮揚州戰敗自刎死按四川志邦
才為成都人

乙旃氏見官氏志

西秦錄乞伏國仁以乙旃童塗為左相按童一作音塗與泥同

北魏孝文帝弔比干墓文碑陰有給事中臣河南郡乙旃恬乙旃免直閣武衛中臣河南郡乙旃阿各仁乙旃應仁武騎侍郎臣乙旃侯莫干

西魏書廢帝元年蠕蠕乙旃達官寇廣武柱國李弼遣擊破之

宋書檀道濟破魏安平公乙旃眷于壽張按眷為正直將軍

乙干氏見北史

北史後魏有督^都乙干貴

姓纂魏靈州刺史乙干若生暉暉生達宗達生法通宗生瑞威又乙干赤沙代別將也隨儀同乙干慶生定貴郭王府統軍

乙弗氏見官氏志

魏書文帝立妃乙弗氏為皇后后仁恕節儉不妬忌帝甚重之按北史后之高祖莫瓌拜定州刺史父瑗兖州刺史

魏書乙弗朗字通照少有俠氣以善騎射稱孝莊末隸賀拔

岳从尔朱天光西討孝武帝之禦齊神武授朗閣內大都督
及帝西入詔朗為軍司先驅靖路至長安卒於岐州刺史子
鳳位宮伯開府儀同三司與周閔帝謀宇文護見殺又乙弗
繪文帝皇后之兄文帝即位位開府儀同三司侍中中書監
又為吏部尚書

後魏書乙弗足知隨魏南遷遂為河南人孝文改為乙氏又
有乙弗根按根作相者訛

北齊書韓樓帥乙弗醜薛孤延力戰破之

前燕錄遼東張統據樂浪帶方二郡并高句麗王乙弗利相

攻連年不解統歸慕容廆

前秦錄乞伏熾盤克西涼以左衛將軍匹達為湟河太守因
討乙弗窟乾降其三千餘戶

北史乙弗世為吐谷渾渠帥居青海號青海王

周書尉遲迴伐蜀督開府乙弗亞等水陸並進

周書宮伯乙弗鳳乙弗足知之子譖宇文護于周主曰護自
誅周貴以來威權日盛將不守臣節後護廢帝殺鳳等按魏
書以鳳為朗之子

周書梁睿討王謙謙令將達奚基乙弗虔城守後以城降按

乙弗虔為總管長史

隨書乙弗弼高堂人當煬帝居藩召見宏弼賀曰大主為萬乘主所戒在德而已及即位悉詔諸術家坊處之使宏弼總攝海內浸亂帝問之曰臣觀人臣相與陛下類者不長然聖人不相故臣不能知按唐書弼善占相相泗州刺史薛大鼎之面為奴自腰以下為方岳之任

乙速孤氏見官氏志姓纂

後魏節義傳有乙速孤佛保孝成時為直閣將軍從入關封蒲子縣公大統初梁將蘭欽陷漢中佛保時為都督力戰知

將敗斬馬乃自刎死

按唐昭陵圖陵北有三墓曰乙速孤晟曰乙速孤行儼曰乙速孤神慶行儼神慶之子也行儼以神龍二年墨制授右武衛將軍員外置同正員又乙速孤神慶碑云神慶字昭祐五代祖顯後魏驃騎大將軍曾祖貴齊右衛大將軍周上儀同三司胥附大夫隨河州刺史和仁郡公祖安齊前鋒都督周右武候右六府驃騎將軍隨益州都督父晟唐車騎將軍轉驃騎將軍又按行儼國子明經高第朝請大夫行縣州司馬行均寧遠將軍守岐陽府長上折衝行方遊擊將軍守甘泉

府左果毅都尉神慶高祖時仕三衛高宗時為太子右虞候副率檢校左領軍衛將軍上柱國顯慶五年卒年六十二史未立傳碑為苗神客撰釋行滿書今碑皆在醴泉

乙支氏此姓諸書無今補

隨書于仲文傳仲文至鴨綠水高麗將乙支文德詐降來入其營仲文先奉密旨必遇高元及文德者必禽之至是仲文將執之尚書右丞劉士龍為慰撫使因止之按革命記作尉支文德

錄異記唐時姑臧李氏子契虛逢樵子入稚川見一人卧石

壁下樵子曰此乙支姓潤其名高麗人平等好施得神遊之道至此酣眠名卧處曰黑甜鄉

唐書黠戛斯遣將軍乙支連幾入貢奏遣鞍馬迎冊立使及請亥年曆日

乙力氏此姓諸書無今補

寰宇記勿吉圖國孝文延興中其王遣乙力支朝獻乙力支稱初發其國乘船溯河灘西上至大沱河沈船于水南出陸行渡洛孤水从契丹西界達和龍乙力支還从其來道取得本沈船達其國

乙那婁氏見官氏志

蕭燕錄吐谷渾擁馬西行虜悔之遣長史乙那婁馮追謝之
按又作史那樓馮

七

氏姓謚七希賢施州衛人正德中任永春縣訓導

杀

奇姓通杀文倫宣化人和治舉人

甘肅志杀元嘉靖時官狄道推官

漆
見左傳注

姓苑漢有漆沈為魯相按急就章作晉相

晉書漆季直永嘉中以中散大夫為洪州刺史漆欽領鎮西

將軍

宋書漆凱之官郎中命為謝混談論友

祖台之志恠豫章漆澄釣于蜀水忽得金鑰引之盈舟既而
有物浮水黑色澄了無怖

氏族畧唐有漆季高仕江西觀察使宋有漆秀彥寶祐進士

氏姓謚元漆希范字文弱翁高安人官臨江路知事才識豪

善屬文人稱曰平谿先生漆居敬江陰人洪武進士漆霽成

昌人永樂進士漆汝翼巴陵人嘉靖進士任推官漆南昌人
隆慶進士改庶吉士授給事中

甘肅志漆金伏羌人天性至孝母張氏病卒金哀毀踰朞既
葬廬墓三年號泣如一日有玉兔白狼繞眠冢上天雨雹惟
墓所周圍十里不害稼人以為孝感所致弘治五年旌表

江西志漆登字汝高高安人少孤事母孝嘉靖舉人授貴州
永寧州知州升馬湖府同知因其俗陋加意造士捐俸資給
之麻陽寇亂協勦告捷以薦兩黔蜀黔考試官告養親歸
雲南志漆文昌新昌人嘉靖舉人官雲南永昌府單騎出城

諭噪兵調廣南府提督迤西等處設關堡以拒緬夸

湖廣志漆元中字維嵩新昌人嘉靖舉人令湘縣有主粟使
者凌轢長吏漕卒橫索鄉賦中元抗顏力諍致忤改海鹽教

諭

甘肅志漆洪隴西貢生漆耀秦安舉人官登封知縣漆堅伏
羌人任四川重慶府照磨值賊反領鄉兵戰力屈死之漆正
渭源人宣德丙午科進士漆耀伏羌人正統辛酉進士官知

縣

漆雕氏見路史

史記漆雕開習尚書不樂仕字子^開按曲阜碑作字子若史記
鄭注云魯人曲阜碑作蔡文人楊龜山先聖大訓以開為憑
誤

史記漆雕哆^{子敏}按曲阜碑作子敏魯人漆雕徒父家語作
從父字子云文一云家語作子期鄭康成注作子有或云字
子友徒父即漆雕憑即說苑之漆雕馬人也漢藝文志漆雕
子十二篇

吉

見廣韻姓謚辯證

帝王世紀后羿學射于吉甫

漢書漢中太守吉恪

魏志太醫令吉平與子邈及丞相司直韋晃韋擘等謀共誅
曹操按平一作本

魏志汾陰令吉茂字叔暢馮翊池陽人世為著姓好書不耻
惡衣惡食而耻一物之不知建安初關中始平茂與扶風蘇
則共入武功南山隱處精思數歲州舉茂才除臨汾令居官
清靜吏民不忍欺轉為武德侯庶子二十二年坐其宗人吉
本等起事被收先是科禁內學及兵書而茂皆有匿不送官
及其被收不知當坐本等顧謂其左右曰我坐書也會鍾相

國證茂本服第已絕故得不坐後以茂為武陵太守不之官
轉鄒相以國省拜議郎景初中病亡茂脩行從少至長冬則
被裘夏則短葛行則步涉食則茨藿臣役妻子室如懸磬其
或饋遺一不肯受雖不以此高人亦心疾不義而富且貴者
晉書魏興太守吉挹字祖冲世篤忠孝符堅陷梁益挹為輕
車將軍領晉昌太守拒之後力不能抗為所執不食死
晉書吉朗愍帝時為御史中丞西朝不受守朗歎曰吾智不
能謀勇不能死何忍君臣相隨北面事賊虜乎乃自殺
梁書吉士瞻字梁容蓮為人事梁成帝為巴東相建平太守

梁秦二州刺史又為西陽武昌太守清約無擔石積

宋書吉翰字休文清謹剛正元嘉中歷任梁南二州刺史著

美績得方伯之體遷徐州刺史按幽明錄吉翰從弟名礪石

先作檀道濟參軍有朱衣吏來言泰山召為主簿即卒

梁書吉玠字彥霄馮翊人梁天監初父為吳興原鄉縣令為

吏所誣當大辟玠年十五搥登聞鼓乞代乃宥其父後丹陽

尹王志欲舉玠純孝固辭

唐書昆彌遣使內附昆彌即漢之昆明也雋州治中吉弘緯

通南寧至其國說之遂來降

唐書吉頊大厯中天官侍郎說張易之召廬陵王出相王按
朝野僉載天官侍郎吉頊長大好昂頭行視高而望遠目為
望柳駱駝吉中孚大厯中十才子官戶部侍郎

李嗣真續畫品錄有吉底俱在下品中

氏族畧宋有吉收九老會中人官御史卿年八十八卒熙寧
時有絳州人吉甫官柳州刺史誅破奸盜窟穴治稱流聞元
祐黨人碑有或臣吉師雄紹聖時吉觀國建炎時有吉與忠
陝西志吉人長安人成化進士有文名授中書舍人弘治初
與劉概湯鼐輩為文會以濟時為己任大臣忌之謫去職

吉夷氏見姓誼

吉白氏見潛夫論路史

姑 見國語潛夫論風俗通

左傳姑吉人也后稷之元妃也按古今人表有姑吉人

氏族畧宋有姑臨澤州人登科

畢 見廣韻氏族畧辯證

穆天子傳西膜之人獻食馬牛羊糶米天子命畢矩受之

國語晉有畢陽伯宗索士庇州黎犂得畢陽及樂弗忌之難
諸大夫害伯宗畢陽實庇州犂

韓策畢長謂公叔曰請毋用兵而楚趙皆得公之國

孟子滕有畢戰問井地

漢功臣表有滕侯畢取本南越將軍降侯子奉義嗣坐罪誅
百官表太鴻臚雲陽畢申世叔

後漢書十二常侍有畢嵐官掖庭令帝使嵐鑄四銅人又鑄
四鐘皆受二千斛

魏志并州刺史畢軌東平人與鄧颺李勝何晏丁謐皆有才
名而急于富貴按軌字昭先父字子禮建安初為典農校尉
軌後為司隸校尉

姓纂魏兖州刺史畢諶世居東平五世孫照愛宋本州大中
正六世孫憬此出連氏改按曹操為兖州以諶為別駕張邈
以兖州叛劫諶母弟妻子操謝遣之諶頓首言無二心既出
遂亡去及破呂布諶生得眾為之懼操曰夫人孝于親者豈
有不忠于君乎吾所求也以為魯相是諶為兖州別駕未嘗
為兖州刺史也林氏誤

晉書畢卓字茂世新蔡鮦陽人父諶中書郎卓少希交達為
胡母輔之所知為吏部郎嘗盜飲同舍郎酒樂廣聞而笑之
曰名教中自有樂地何必乃爾

北史畢元賓東平須昌人父思敬兖州刺史元賓少而豪俠
有武幹涉獵書史與父同建勳誠為平遠將軍後為平南將
軍兖州刺史父子相代為本州當世榮之子祖栢襲父爵須
昌侯官治書侍御史加宣遠將軍本州大中正正始中蕭及
先寇兖州以祖栢為統軍假宣朔將軍隸邢巒討之祖暉祖
栢異母弟有器幹正始中為龍驤將軍後為宿勤明達所攻
糧盡歿于陣畢聞慰字子安元賓叔鉅平侯思愛子試守廣
平內史正光初相州刺史中山王熙起兵謀誅元又聞慰斬
使發兵拒之遷持節平東將軍滄州刺史甚有政績祖彥字

修賢聞慰子涉獵書傳風度閒雅歷中軍將軍光祿大夫

東魏書崔暹選畢義雲等為御史時稱得人義雲畢思敬之
曾孫也按照敬于宋明帝時降魏義雲為御史中丞時避譖
納賄于和士開出為兖州刺史後為七兵尚書治酷忍非人
理所及于家尤甚夜為盜所殺遺其刀驗之其子善昭所佩
刀也有司執善昭誅之

唐書畢構偃師人六歲能文及冠擢進士第為益州長史按
察劍南振弊祛私號為清嚴睿宗賜璽書嘉之遷吏部尚書
遙領益州長史弟栩以太府主簿留司東都天下稱其友悌

子炆天寶末為廣平太守拒安祿山城陷覆其家子垆增張
建封高炆節聞垆篤行表署幕府攝符離令後調王屋尉以

廉謹聞

唐書畢誠字存之黃門監構之從孫性端慤不妄與人交太
和中進士書判拔萃科後以刑部侍郎拜邠寧節度河西供
軍安撫使置屯田歲收穀三十萬斛後同中書門下平章事
畫斷畢異大厯中為給事中畫松石于左省廳壁好事者皆
詩詠之後官右庶子

